

永樂大典

卷九百八十

永樂大典卷之九百八十

二支

兒

小兒證治十三

小兒慢驚

論

錢乙小兒方慢驚自病後或吐瀉脾胃虛損通身冷口鼻氣出亦冷手足時痲痺昏睡睡露睛此無陽也。栝蘇湯主之。凡急慢驚陰陽異證切宜辨而治之。急驚合涼瀉慢驚合溫補。世間俗方多不分別誤小兒甚多。又小兒傷於風冷病吐瀉醫謂脾虛以溫補之不已復以涼藥治之又不能已。謂之本傷風醫亂攻之。因脾氣即虛內不能散外不能解。至十餘日其證多睡露睛身濕風在脾胃故大便不聚而為瀉當去脾胃風風退則利止。宣風散主之。後用使君子丸補其胃亦有諸吐利又不差者。脾虛生風而成慢驚。陰翹壞病東都王氏子吐瀉諸醫用藥下之至虛變慢驚。其候睡露睛手足痲痺而身冷錢曰此慢驚也。與栝蘇湯其子胃氣實即開目而身溫王疑其子不大小便合諸醫以藥利之醫留八正散等數服

永樂大典卷九百八十

一

不利而身腹冷。合錢氏利小使錢曰不當利小使利之必身冷。王曰己身冷矣。因抱出錢曰不能食而胃中虛若利大小使即死。久即脾胃俱虛當身冷而閉目。幸胎氣實而難棄也。錢用益黃散使君子丸四服。合微飲。至日午果能飲食。所以然者謂利大小使脾胃虛寒當補脾不可攻也。後又不語。諸醫作夫音治之。錢曰既失音何開目而能飲食。又牙不繫而口不緊也。諸醫不能曉。錢以地黃丸補腎。所以然者用涼藥利小使致脾胃俱虛。今脾已實腎尚虛故補腎必安。治之半月而能言。一月而痊也。太平聖惠方夫小兒慢驚風者由乳哺不調臟腑壅滯內有積熱為風邪所傷入於心之所致也。其候乍靜乍發心神不安嘔吐痰涎身體壯熱筋脉不利。睡卧多驚風熱不除變化非一。進退不定。在善經時故名慢驚風也。宜速療之。和劑局方論小兒慢驚證慢驚者皆因乳哺不調或食粘膩臟腑壅滯及積熱為風邪所傳入於臟腑。乍冷乍熱心神不定脾胃感冷或時嘔逆身體溫壯手足不定睡中搐亂頭目乍赤乍黃此乃慢驚或吐瀉俱作。忽然發驚而手足不甚抽搐痲痺及睡中露睛唇白手足冷口中氣亦冷。切不可與急驚藥誤人多矣。但可與金液丹四糖青州白朮三粒同研以粥飲灌之。如稍惶惶減金液丹加白朮子。更與粥飲脈理中湯益黃散

永樂大典

卷九八

參苓白朮散。乳食後可與鎮心至寶丹。或與金箔瓦礫。令乳母忌生冷
 動風毒物。亦令乳母脈理中元嘉木散之類。陳自明管見良方。然此二藥
 大寒。既在前面云。切不可與急驚藥。誤人多矣。若是要伏退驚。搐之藥。但
 可與至聖保命丹。茅先生論曰。小兒生下。有甲慢驚風者。雙目上視。雙手搐
 搦。上喘喉中涎響。乍靜乍發。心神恍惚。不記人事。此候。因驚橫心。舍而成
 有因吐瀉而成。有大患痢而成。有久瀉痢後。脾虛風邪。所干。乘虛致此者。
 如見此候。急用小使和酒調睡驚膏一脈。須臾搐定。即吐兩盞。以朱青沫
 黏涎。或三五盞已未。方得小愈。急還勻氣散兩脈。喉中由有一二分餘涎。
 即下朱砂膏。次日下醒脾散三脈。鎮心丸兩脈。若伏熱不退。即下大附散。
 三日內即安。如見背母搖頭。噎古出口。咬牙。眼障淡出。偏搐。死候也。不治。
 闕事。思時方慢驚。得於大病之餘。吐瀉之後。或誤取轉。致脾胃虛損。風邪
 乘之。凡小兒吐瀉不止。轉成慢驚。宜速治之。似搐而不甚。搐此名。厥疾。似
 睡而精神慢。四肢與口中氣皆冷。睡露睛。或胃痛而啼哭如鴉聲。此證已
 危。蓋脾胃虛損。故也。秘要指迷論。凡小兒初生下。不問日數。或忽患慢驚。
 醒後。四肢厥冷。不知人事。但心中微暖。即用側子湯。五關貫珍珠囊。小
 兒慢驚風候。尺慢驚風。身體不大熱。似因而不睡。所驚哭不止。不肯食乳。

永樂大典卷九百八十

二

此為慢驚風之候。因風盛而生也。茅先生起至秘要指迷論。上載幼幼新
 書聖濟總錄論曰。小兒慢驚者。痼病發於陰也。由在胎時。稟受不足。心氣
 虛弱。外中風邪。入於腑臟。其發則手足痲痺。頭目搖動。牙關緊閉。神情如
 醉。休作有時。潮搐不定者。謂之陰痼。其治療也。外以灸法。內以藥餌。臨機
 制變。可謂止工。若證見息高。魚口。泄汗。遺尿者。在所不治。栢真子嬰童寶
 鑑。小兒慢驚風。但身熱驚哭不止。睡眠不靜。手足微痲痺。不食乳。或見
 如傷寒之候也。長沙醫者李剛中說云。陰靜而緩。陰慢而遲。錢述慢驚。得
 於大病之餘。吐瀉之後。或誤脈冷。藥取轉。而腸胃虛弱。風邪乘之。似搐而
 不甚。搐似睡而露睛。手足痲痺。或作鴉聲者。此證已危。蓋脾胃虛損。故也。
 是足太陰脾。足陽明胃。表裏俱虛。相合受病。風淫所勝也。人皆以胃氣為
 本。胃者水穀之海。脾之大澗。乘納水穀。清者為榮。濁者為衛。脾氣像土而
 居中州。氣血循環以灌四旁。今小兒氣血未定。五臟方成。復因乳哺不調。
 谷熱相傳。而致吐瀉。久而不差。脾胃俱虛。風邪內乘。故面青唇痿。口鼻氣
 冷。手足痲痺。醫或以鐵粉。水銀。龍腦。朱砂之類。是抱薪而投火也。故錢用
 青州白朮。于朮。金液丹。末。量以輕重。參以分數。二物相合。米飲調之。以主脾
 胃。候手足溫。即漸減之。復投以醒脾驅風之藥。此錢之垂教。龜鏡也。又有

慢脾風亦與慢驚相似。但分別輕重耳。亦由小兒脾胃俱虛。風邪內乘也。或切切新書。鄭端友全嬰方錢氏論慢驚是非。錢氏論慢驚。因病後或吐瀉。脾胃虛損。適身冷。鼻氣出亦冷。手足痲痺。昏睡露睛。此無陽也。枯蘇湯主之。錢氏云。無陽何用枯蘇根湯。內用枯蘇根。白甘遂。按本草。枯蘇根味甘寒無毒。主心瀉身熱。甘遂味苦甘。大寒有毒。主腹滿。面目浮腫。留飲宿食。又云。急驚合涼瀉。慢驚合溫補。錢氏此急驚涼瀉。慢驚溫補。何用枯蘇湯。寒毒之藥。又無溫補為佐。首尾亦無補助。無主對不親。如此治之怪也。經曰。實實虛虛。損不足。益有餘。如此死者醫殺之也。慢驚虛病。寒毒之藥甚虛人。正合經經虛虛之論。錢氏之非也。愚嘗治此病以神寶丹。寬瀉湯治之多愈。錢氏方訣。議論優長。甚為可取。其間如治慢驚法。用枯蘇湯。陰痲壞病篇內。亦用此方。錢豈不知枯蘇反為害也。觀其智識。必不如是。僕或有此說。但取其所長。略其所短。庶幾不誤後人也。譬之權衡。雖正。不能無毫釐之差。鈞石雖平。不能無抄撮之過。是以智者千慮。必有一失。論慢驚曰。陰痲。或慢驚。雖曰陰痲。實陰三種而得。三種者。或只吐。或只瀉。或吐瀉俱發。亦因風驚。食所作是也。論慢驚之因。慢驚者。因久吐而胃氣先虛。胃與肺母子也。母虛亦合于衰。二經虛。則生黏痰。黏痰者。脾胃所出也。痰則凝滯在於咽喉。如牽鋸之聲。時復痲痲是也。所以慢驚風。眼偏喜開者。胃虛生風。通真子云。風能動能開。慢脾者。因久瀉而脾氣先虛。脾與肺子母也。母虛亦合于衰。二經俱虛。則生頑涎。頑涎者。脾肺所出也。涎則溢流在於咽喉。如水難之聲。時復痲痲是也。所謂慢脾之風。眼偏喜閉者。驚氣入脾。通真子云。氣能靜能閉。論陰痲之因。陰痲者。吐瀉之久。脾胃俱虛。脾與胃表裏也。二經俱虛。則生痰頑涎。相纏如膠。塞於咽喉。故聲鳴而喘。時復手足顛搖。或如角弓之張是也。所以陰痲半開半閉者。是風氣併行。脾胃飛仙論云。陰痲。眼似睡不睡。王氏云。驚風。眼半開半合。已上三證。似同而異。並屬陰也。各目睛昏暈。背脊強直。或作鴉聲。發類難差。皆十死一生也。凡慢驚有汗多死。仲景云。陰不得有汗。蓋陰證無汗。有汗者亡陽。古人說慢驚痲痲。是似猶不撞。其間亦有慢驚如急驚者。是死期之速也。有嗽變驚者。第十二卷有治法。慢驚決生。徐中秀子三歲。七月中因傷乳食。嘔吐數次。而後作瀉。召一醫視之。三日不退。加之眼露多困。顛陷氣蘇。面白色青。虛煩腹痛。忽發驚風。進退不定。召愚視之。此子雖是慢驚。法當斷乳三日。頻與柿餅。脈藥可安。主人曰。小兒以乳為本。豈可遽然捨乳也。答曰。舟非水不行。然波濤沸湧。則有覆舟之患。兒非乳不養。然吐瀉過傷。則

永樂大典卷九百八十

三

則凝滯在於咽喉。如牽鋸之聲。時復痲痲是也。所以慢驚風。眼偏喜開者。胃虛生風。通真子云。風能動能開。慢脾者。因久瀉而脾氣先虛。脾與肺子母也。母虛亦合于衰。二經俱虛。則生頑涎。頑涎者。脾肺所出也。涎則溢流在於咽喉。如水難之聲。時復痲痲是也。所謂慢脾之風。眼偏喜閉者。驚氣入脾。通真子云。氣能靜能閉。論陰痲之因。陰痲者。吐瀉之久。脾胃俱虛。脾與胃表裏也。二經俱虛。則生痰頑涎。相纏如膠。塞於咽喉。故聲鳴而喘。時復手足顛搖。或如角弓之張是也。所以陰痲半開半閉者。是風氣併行。脾胃飛仙論云。陰痲。眼似睡不睡。王氏云。驚風。眼半開半合。已上三證。似同而異。並屬陰也。各目睛昏暈。背脊強直。或作鴉聲。發類難差。皆十死一生也。凡慢驚有汗多死。仲景云。陰不得有汗。蓋陰證無汗。有汗者亡陽。古人說慢驚痲痲。是似猶不撞。其間亦有慢驚如急驚者。是死期之速也。有嗽變驚者。第十二卷有治法。慢驚決生。徐中秀子三歲。七月中因傷乳食。嘔吐數次。而後作瀉。召一醫視之。三日不退。加之眼露多困。顛陷氣蘇。面白色青。虛煩腹痛。忽發驚風。進退不定。召愚視之。此子雖是慢驚。法當斷乳三日。頻與柿餅。脈藥可安。主人曰。小兒以乳為本。豈可遽然捨乳也。答曰。舟非水不行。然波濤沸湧。則有覆舟之患。兒非乳不養。然吐瀉過傷。則

有傾人之患。波濤非自主。其所以生者。風鼓不平之勢作之也。吐瀉非自
生。其所以生者。風冷不便乳引之也。風息則水勢平。乳少則吐瀉寧。善行
舟者。不懼波濤。而懼舟之不固。善為醫者。不懼吐瀉。而懼乳之不節。蓋乳
猶水也。水能載舟。亦能覆舟。此之謂也。始因傷乳為病。若以所傷之乳乳
之。如以酒解醉。轉加昏憤。固能節乳。使藥之速驗也。主人曰。聽用神寶丹。
續命湯。安神膏。日各三服。頻與稀粥。至夜驚不再潮。翌日。愛哺尚困。是中
脫有食。脾胃有風。主人曰。何知也。答曰。愛者有食。困者有風。當用宣風散
汁。送下紫元子。令微利。再用神寶丹。安神膏。琥珀散。日各三服。調治三日。
時與少好。至五日全安。主人曰。慢驚風。何敢決生。答曰。病雖至困。形膏而
不昏。肚疼而手足常溫。驚搐無痰。喘氣微熱。是胃氣未脫。經曰。胃者。水穀
之海。主粟四時。故皆以胃氣為本。此子病雖至危。胃氣尚未脫。可以復生
也。陳文中。養子直訣。小兒誤服涼藥。鎮心宣導。或用帛蘸湯水。繳擦唇口。
因此傷動脾胃。或泄瀉。或腹脹。或腹中氣響。小兒面少紅色。常無喜笑。
不看上而視下。小兒顛顛高急。頭縫青筋。時使青糞。小兒肌體肥壯。
糞如青涕。或如凍汁。小兒時時眊音札眼。糞使青白沫。有時乾皖。已
上五證。忽然嘔吐者。必成陰癇。俗謂之慢驚風。醫患之家。不究病之源。

因不分陰陽表裏。又不察血脈虛實。妄為熱即生風。使頭牛黃。米砂。腦麝。
鎮心宣導等藥。因此敗傷真氣。搐而不救者多矣。蓋真氣者。元陽也。其藥
性溫。則固養元陽。冷則敗傷真氣。故宜用溫中下氣藥治之。緣小兒胎臟
嫩嬌。皮骨軟弱。血氣未平。精神未全。言語未正。經絡如絲。脉色如毫。不可
妄投藥餌。亦不可湯繳口舌。無病者。在乎攝養正氣。有疾者。先看外證。而
為多矣。或切切新書楊仁齋直指方。慢驚之候。或吐。或瀉。涎鳴。微喘。眼開
神緩。睡則露睛。驚跳。搐搦。乍發乍靜。或身熱。或身冷。或四肢熱。或口鼻冷。
氣。面色淡白。淡青。眉間唇間。或青或黯。其脉沉遲散緩。蓋由急驚。過用寒
涼。或轉下太驟。傳變成之。又有吐利不止而成者。有氣虛暴吐瀉而成者。
錢云。夏月脾胃伏熱。大吐瀉者。當解者熱。不可半日。因陽。有臟腑虛洞泄
成者。或邪入於腸胃。故大便不聚而瀉。有久痢氣脫成者。有下積取瀉成
者。有吐血瀉血成者。有感風不解。誤藥成者。有傷寒傳變陰證成者。有得
之久嗽作癇者。有得之發癇不已者。有得之蟲積衝心者。有得之卵腫疝
氣。腰痛者。其或日夜汗出。脾困多睡。煩燥引飲。四肢浮腫。大小便閉。并瘧
腫毒。龍帶。癰腰。走馬急疳。並傳慢候。惟吐瀉積疳成虛致之。則證變甚速。
錢經吐瀉。便是慢驚。須用溫中扶裏。或糯米緊急。乃慢驚初傳。尚有陽證。

不可誤作急驚用藥。世言搐慢為慢驚非也。若泥此。往往指慢脾為慢驚。凡慢驚男子以瀉得之為重。女子以吐得之為重。治法大要。須當審問源流。不可藥曰慢證。如吐瀉得之。則理中湯加木香。以溫其中。五苓散以導其水。臟寒洄泄得之。則先與木附湯。下積取轉得之。則先與調氣散。外感寒邪得之。則先與桂枝湯。解肌湯。其他可以類推矣。然慢驚雖屬陰。亦須準較陰陽。虧盛淺深如何。不可純用溫藥。及燥烈太熱之劑。惟於生胃氣中。加以截風定搐。如全蠍。花蛇。鱉。白附。天麻。南星。葶藶。方傳慢候。而尚有陽證者。八候尚在。不必回陽。但與截風調胃。可於可熱。均平陰陽而已。太一保生丹。聚寶丹。蟬蠍散。神保既濟丹。承復丹。王氏怪怪散。醒脾散。太醒脾散。溫白丸。可選用之。若陽虧陰盛。病已傳過。純屬慢驚。無搐掣反引。窺視之證。而但昏沉者。與星香全蠍散。定命飲。四聖散。烏蠍四君子湯。天南星散。烏沉湯。沉香散之屬。若手足冰冷者。方可回陽。用硃黃附子。慢驚下痰。身煖者。夫南星。蘇合香。白丸子。痰盛者。神保既濟丹。礞石散。虛甚而不可下痰者。靈脂。七珍丸。如腦麝銀粉。已霜。寒涼通關。利腸輩。一切禁止。麝雖溫。然性屬陰。能化通脈。其有陽已傳陰。或者不知。但見引搐。誤用腦麝銀粉。及寒涼輩。必為慢脾陰逆。若慢驚之候。其眼半

開半合。則當預作慢脾風調理之。於斯時也。陰氣易盛。陽氣易微。時刻少延。則藥力不及。頻併投藥。則勢又不可。緩進一二劑。須審有無傳變。稍定則和平。為愈。勢篤則以剛劑投之。此治慢驚之大要。然也。或者慢驚欲絕之時。虛痰上攻。咽喉引氣。呼吸蘇大。脉未浮數。是為陰盛。強陽。錯認以陽氣已復。直與峻藥下痰。痰隨藥下。氣隨痰絕。人以醫殺。咎之。此則不識覆燈。將絕之證。雖不下藥。亦無生意矣。又有喉中痰涎。聲如拽鋸。一兩日間。但閉目不開者。此為虛候之極。虛痰能養其氣。然也。凌遽下痰。亦未可保。姑以蘇合香。白丸子輩與之。若慢驚之候。藥脉已瘥。尚虛乏。數日未省者。或妄攻之。則前功俱廢。是體認之。不可不精也。其或傷風。傷寒。傷暑。傷濕。傷食。停積。煩勞。煩渴。盤腸。疝痛。諸瘡。疽。疔。皆目之。而發風。須當體認。隨其證。療其病。止病去。則風自去矣。慢驚四肢厥冷。吐瀉加嗽。面黯唇慘。胃痛。鵝聲。兩脇動氣。口生白瘡。胃閉損也。髮直。搖頭。眼睛不轉。涎鳴。喘噎。口眼手足一逆。牽引者。難痊。演山省前活切口。議慢驚風候。醫云。陰病也。良由急驚用寒涼之藥太過。轉動深重。乃傳作慢驚。或因吐利不止而成。慢驚。或因溼浴感風不解。而作慢驚。或因風食二癩不治。而變成慢驚。或因咳嗽下痰。轉虛而成慢驚。因由甚眾。舉而舉之。病家怕驚。不泊瀉。良醫

永樂大典

卷九八〇

怕瀉。不怕驚。其瀉不止。則驚風愈盛。若與治驚。更用寒涼之藥。且瀉轉名病。加進重矣。議曰。小兒脾胃虛怯。方作吐瀉。其證有熱吐。冷吐。痰吐。食吐。所言熱吐者。謂母飲酒。喫肥炙煖醃。或胃風傷著致熱。兒吃乳入胃。遂成熱吐。冷吐者。謂兒胃冷。加以宿冷之物。與食即吐。虛吐者。其兒肌弱神困。疳積未消。胃堂又虛。即痰吐者。其兒胃氣本虛。侵感寒邪。生痰作熱。留滯胃膈。故吐。食吐者。其兒胃弱。飲食不飽。強食傷脾。作熱神困。吐後即逆。病家但知其吐。不明其所以吐。且吐兼瀉。共作名曰霍亂。其吐候。又推輕重有五。初則乳自流出。謂之嘔。嘔之不已。即謂之吐。吐之不已。即嘔。嘔之不已。即傳。嘔之不已。即作嘔。於月切。自嘔。嘔。皆有出聲。動氣。嘔者。口開而作。逆者。心胃上下氣逆鬱集。噦者。無物可出。即膈虛胃寒。引氣。噦噦作聲。此等候。惡。須臾證變。即慢脾風。熱吐者。先去風痰。冷吐。虛吐。與生胃氣。痰吐。下却其痰。次與正氣。食吐。宜與煽氣。豈可一藥理之。吐瀉不止。脾虛風生。眼開慢驚。眼合慢脾。治之不當。更下驚藥。死不旋踵。豈可得而救療。兒分長幼。病察虛實。有吐瀉三五日。發風者。有一日半日而發者。大抵。女孩以吐為急。男以瀉為速。若氣虛暴瀉。暴吐。緩作。使得之。惟有疳瀉。不成風候。久則患無辜證。終於虛乏矣。但滯腸止瀉。為良。吐即生胃。為正。

永樂大典卷九百八十

六

截風之藥。加而用之。凡驚藥。及寒涼之藥。切不可用。亦不可用大熱藥。其候乃屬陰證。醫者裁之。勿倭為幸。慢驚風傳變。凡慢驚風候。若是急驚。傳未而尚陽證。其陽即虧。不必回陽。又不特治陽。只可截風調胃。均乎陰陽。可冷可熱。可緩可急是也。若直使與脈附子。硫黃之屬。使陽歸陽。又是急驚。學者理宜知之。既知陽證。傳作陰證。即與脈保命丹。三二脈。兼前牛黃清心丸。其有四證。且八候稍緩。疾成陰癇者。即與脈之。若已傳過八候。不作。四證尚在。只冥冥者。與脈定命飲子。若脚手冰冷者。乃四逆候。方可回陽。次第脈合者。即傳作慢脾風候。其兒驚風痰涎壅盛。搐搦不止。不可下者。宜與靈脂。其痰壅熱盛。口角自垂者。白薑尤功效。驚風搐搦。身體雖緩。風痰不化。宜脈天南星。議嬰孩所受此等證候。別無他疑者。只依下項用藥。無不尅省。切不可延久。其陽易化。陰氣漸盛。藥力不及。使人難治。又不可一向連併投藥。每次一二脈了。須審察證候。緩緊。有無傳變。稍覺寬定。其藥放慢。或勢漸緊。宜以次第緊急藥與脈。不可執帶一藥。又不可便換湯餌。連併與之。所謂察其輕重。審其進止。而後已。今者妙方。不勞檢閱。修合如法。對證投治。尅效萬一。議慢驚。若是急驚。傳來。是知前人。不曾截風定搐。陽脫而傳陰。陰重陽虧。其風與熱。隨流縱入經絡。又有

曾脈太寒涼之藥過多。又有下積取瀉致作。又有臟腑虛寒洞洩而為。其所受多端。已載前篇。議理慢驚當知陰痢之說。其證屬陰。臟寒氣虛。或尚泄瀉不止。且驚正作。多因無識之人。一向治驚。更不理瀉。藥用寒涼投之。令氣愈虛。洩瀉不止。陰證愈重。驚搐愈熾。若用止瀉藥稍熱。八候復加。四證不退。慢驚雖曰難治。蓋醫亦不曾究竟。病作加進。深為重害。議慢驚當察之所視為要。眼睛昏定為重。窺視為重。四肢厥冷為重。睛定不眈為重。雖眈不左右顧亦重。汗出如流亦重。口面忽作紫黯色至重。感風搐搦慢驚。眼在半開半合之間。乃知陰氣所盛。傳入臟間。陽氣已虧。脾經屬陰。次第入脾。故言慢脾風候。議醫慢驚與急驚風候。自是不同。未可一向下。議搗藥急驚。謂關竅不通。故以腦子麝香等藥通利定。其搗搦慢風。陰重陽虧。諸經已虛。不宜通關。又涼其臟。易作慢脾風。議醫慢驚不可急攻。急驚陽痢稍易理。慢驚陰證最難治。脈藥已愈而尚虛之未省。三五日之間者有之。俗謂過街候。發無定論。不可輕易妄劑投之。攻擊則前功俱喪。議慢驚所治之理。須究問元因所發。若是急驚傳陰為慢驚者。乃陽痢所作陰痢也。當察陽證未絕。其陰證用藥斟酌。如因洩瀉而作慢驚者。男兒為重。如因吐逆而作慢驚者。女子為重。即陽脫而陰盛。小兒有長幼

永樂大典卷九百八十

七

之別。臟腑有虛實之分。有瀉三五次。便成風候。乃由虛之盛也。或有二三日泄。方成風候。或有五七日瀉不止。而成風候。暴瀉成風。由可速治。蓋回陽調中補氣之為易。若久瀉漸傳成風候者。為虛為之。故難療理。議嬰孩小兒洞泄成風。以補藥治之。宜用附子藥。賦寒洞泄當脈。取瀉成風。自藥下積宜以溫脾壯氣藥調之。宜服觀音金蟾散愈之。有脈寒涼藥成風。下藥太涼。致令臟腑先寒。過涼藥吐瀉。即傳成風候。以助氣醒脾藥溫之。王氏大怪怪。大喝起散與脈之即效。若手足是冷。回陽湯。木附湯。效陽痢傳作陰痢者。急驚傳作慢驚風候。以截風藥治之。脈前方截風定搗藥。若在前三者慢驚候。便以截風性性木為當。蓋由病自虛之得之。所以云調補之理。議慢驚證候。所以用藥不一。治療不等。由發作不同。故述在前。雖則四者之議。猶為大籍。智者得之。開發。詳其輕重。可否之意。而施設之。議醫理慢驚之候。其意在慢。治急驚之候。其意在急。何也。且急無過。因熱生風。作驚。跌撲作驚。他物觸之作驚。驚熱傳極。即變生風。搗搦等候。皆熱所乘。若也。順證依法下之。諸候自息。然慢驚所作不常。當宜省察。用意于細。所以故宜消息。為之慢也。不可倉皇。恐懼有乎。得夫。非夫治踴踏疑惑之為慢也。又曰。慢驚無急攻。蓋所療至為難事。無妄當何。議醫慢驚不可與語。

無妨疎脫有之。無誠不謹亦有之。無見不明亦有之。又不可言難悉於人。事但存妙理。究竟深得法度者。投藥必愈。不曉於理。裁度未良者。千萬無。順人情投餌。既無可否之說。若或所見不到。即與善術者調治。庶不枉究。若也。據證傷候。必敗其德。實有勉強倉皇者耶。陰證反陽。議曰。小兒傷寒。惟察表裏而理之。不以陰陽證候。竟竟者。蓋無關前關後之脉。所謂純陽之孩。合而言之。此說陰候者。慢驚是也。凡兒吐瀉。疾作慢驚。其候無反證。良由急驚傳未已成。陰癇藥用寒涼。證入慢脾。藥用燥熱。其候反陽者。反從陽也。其脉愈盛。其證愈逆。故云反也。陰陽俱壞。實謂難治。醫工不知其所以。但見其搐搦。肆意退熱。截風。良久却不引搐。但只合眼聚痰。冥冥如。睡證候有如此。何藥理之。請試較之。陰盛強上。聲陽。議曰。慢驚風候。謂之陰盛。及其欲絕之時。虛痰上攻。咽喉引氣。呼吸麻大。其脉浮數。其證強陽。得之。醫工將謂陽回。以得其所宜。與下痰藥。用大迅痰涎。即時隨藥而下。兒命即時隨藥而死。衆言醫殺之。愚曰。非也。謂渠無智不識證絕而用之。雖不下藥。亦死之矣。衛生家實或因久吐瀉不止。或累月咳嗽不止。或大重病後。脾胃虛損。或胎中有驚。頻下青沫糞。或疳證候。臟腑虛損。並成慢驚。睡卧不靜。卧露白睛。手足微動。頻多呵欠。乳妳時吐。顛顛或腫。或陷。頻

多驚跳。好睡吼啞。或作潮熱。已上並是慢驚。不可服冷毒藥吐瀉。只宜怪散人參膏。睡紅散。大設有虛涎。量脈半黃膏少許。或進或退。並是陰證候。犬凡小兒不可合吐。吐使有驚風欲發之意也。宜急治驚止吐。醒脾調胃。如發搐搦。上視撮口。搖頭上竄。如角弓反張。或四肢軟弱。弄色或青。或黃黑白。弄舌吐出。鼻無涕。魚口鴉聲。腰脹。並不可服陽證藥。慢驚六。內載青州白丸子。蘇合香圓。金液丹。市鋪有青金丹。即白丸子。金液丹。合和用。張潔古錢氏補道慢驚陰證也。俱藏受病爾。蓋小兒吐瀉病久。脾胃虛損。若不早治。則成慢驚。名曰癩癧。似搐而不甚搐也。因脾胃虛損。故大便不聚。當去脾胃風。先以宣風散導之。後用使君子丸。益黃散。則其利自止。既已失治。則脾胃俱虛。致被肝木所乘。是為慢驚也。當用溫補。羌活膏。曾世榮治幼心書論慢驚者。考之古書。亦無所據。惟載陰癇而已。蓋慢驚屬陰。陰主靜而搐緩。故曰慢。其候皆因外感風寒。內作吐瀉。或得於大病之餘。或轉於誤轉之後。目慢神昏。手足偏動。口角流涎。身微溫。眼上視。或斜轉。及兩手握拳而搐。或兼兩足動掣。各辨男左女右。搐者為順。反此為逆。口氣冷緩。或顛門陷。此虛極也。脉沉無力。睡則揚睛。謂兩目半開半合。此真陽衰耗。而陰邪獨盛。陰盛生寒。為水化。水生肝木。木為風化。木剋脾土。胃

為脾之腑。故胃中有風。瘳音熾。瘳音熾。漸生其瘳。瘳證狀。兩肩微骨。兩手
垂下時復動搖不已。名為慢驚。宜以青州白朮子。蘇合香丸。八薑汁。杵勻
米飲調下。虛極者。加金液丹。次用沖和飲。同七寶散。火煨薑。使氣順風
散。少解吐瀉。間以胃苓湯。救其表裏。若吐不止。可投定吐飲。瀉不減。宜服
六柱散。或曰。生陽去胃風。定瘳瘳。清神氣。五苓散。導其逆。調榮衛。和陰陽。
若痰多唇白。四肢如冰。不省人事。此虛慢之極。用固真湯。速灌之。以生胃
氣。胃氣既回。投醒脾散。沉香飲。調理。有慢脾風者。自慢驚傳變。始因吐瀉。
經久不治。故胃弱脾虛生風。風入經絡。則手足無時搖動。昏沉不省。面帶
痿色。風勢太甚。乃虛之極。急用青金丹。天麻飲。灌服。或六柱散。固真湯。帶
問有熱有痰。皆風入脾經。亦是危證。若痰如牽鋸之聲。面無潤澤之色。唇
縮氣虛。項軟。搐其不可治也。鄭氏議。古人醫書。不能無失。如錢氏治慢驚。
用枯藁湯。與病不相主對。是謂之失。以愚觀之。所恃藥性。醫者之通曉。縱
有前證。未必肯用。但不容不講明耳。殊不知錢氏既沒之後。其書成於仕
路。人閻孝忠。備集刊行。屢經異代。况錢氏儒醫名聞朝野。施治之法。如珠
在貫。未嘗少差。鄭氏所指慢驚。誤用枯藁湯。然本方下明載治肺熱涎盛。
非為慢驚之設。閻孝忠豈不知此。其或居官毀梓之日。失於參考。訛傳此

劑。致有前議。奈歷年已遠。卒難校正。若論五臟補瀉之妙。却無瑕可指。及
諸雜方。有功于世。不為不多。直訣一書。信不誣矣。韓義和煙霞聖效方。慢
驚風。因小兒吐瀉病久。脾胃虛損。大便不聚。當補脾。先以宣風散導之。後
用使君子。尤益黃散。其利即止。後用本事方中。醒脾丸。若不早治。即成慢
驚。名曰瘳瘳。似搐而甚。因脾脉虛損。故被肝木所居。諸臟受陰證也。惠眼
觀證云。慢驚形候。下靜下發。或吐瀉。或因著撲。或以患痢脾胃。乘虛而作。
若見肉暈。啼聲有淚。手足微微掣動。下慢脾湯藥。及以鮮湯。尤利之。至
次日調氣。兼進醒脾。平胃化涎湯藥。調理。若先潮熱。後口相牽一邊。手足
只搐一邊。喉中作拽鋸之聲。不啼無淚。此候不可治。三日中死。死後眼生
障膜。而五藏絕矣。歌訣。茅先生小兒慢驚風。死候歌。慢驚風候實難醫。
遍體昏沉壯熱時。睡卧多驚心不穩。手牽脚搐喘相隨。在并時多為此候。
速令下藥莫遲疑。玉訣小兒慢驚虛風候。形長嘔噎齒面青黃。呢乳涎高
胃氣傷。風盛涎高生搐搦。瀉痢頻頻色不常。此患先調其氣。後退驚風。次
下涎調臟腑。即無誤也。石壁登三十六種慢驚將發候。形未發驚時先好
候。四十八候云。木後候驚先重睡。睡中吐舌又搖頭。面青靛髮如針立。原
經云。驚於面紅毛髮立。壯熱通身脚似鉤。厥體經云。四十八候云。更加

永樂大典

卷九八〇

手是一如鈞。此候多因傷寒失治。或如母動作不定。是致發熱。或作吐瀉。又後被寒邪苦楚。漸漸多睡。少汗不食乳。手足軟弱。或即曲硬。此當出汗。醒脾去風。即愈。吐乳作腥。生氣息。額中十顆汗珠流。通腸表汗兒當差。若取之時瀉不休。仍須先汗下。其下既凝下之。不可太猛。并與少溫藥生。胃氣。此病冷氣傷。腠理不通。纏結為大患。未發先用。及發面青頭額有汗。吐乳腥臭。若有此疾先解表。後用炒芫花一二服。肥大者微與下。次調氣。即安。如此不退。成慢脾風也。風隨經與此。歌亦同有注云。先與疳積散。次烏犀膏散。三十六種慢驚正發候歌。惡心纒作使生驚。吐瀉頻頻氣。上沒。舌赤唇紅雙眼閉。風隨經此三句云。吐瀉絕。生使惡心。霍乳吐乳汗。相沒。舌出唇鮮雙目閉。搖頭髮直一如針。此後亦主。因傷寒氣已衰發毒。氣。內淫蕩於胃經。內熱初感。所以多吐。或瀉瀉不止。夫治則上多曲。困重。則發搐。不致大攻。只是或時發。手足微動。至半月十日不愈。亦不能絕。多無汗。通身乾燥。當醒脾發汗去驚。開生氣急。搗雙脇。口白生瘡。命不任。此候未生宜早治。涎潮肺腑更難禁。風隨經此一句乃云。有瘡胃閉命沉。沉。若氣急。則兩脇微動。動則氣而喘也。更一向用今藥大甚。通毒氣傷脾。胃損。致令口中有瘡出。若亦猶可治。白瘡滿口如珠子者。日直視。睛不轉。

永樂大典卷九百八十

十

滿面黑色無光必死。風隨經此一篇云。小兒吐瀉後。成慢驚風。慢脾風。仍注云。如口未生瘡不妨。先與白鷄丹。次白神散。小兒形證論四十八候。吐瀉傳慢驚歌。後說云。此候發時先吐逆。醫人不識。却將調藥。衛藥與服。致令口生瘡。成惡候。先將炒芫花下胃。膈風涎不吐後。調氣。已上患眼觀證。起至石壁經止。裁切切新書。經濟小兒保命方書。慢驚證歌。喉中痰微響。眉腮垂紫筋。乳時常嘔吐。寒熱額浮青。目碧多啼叫。風邪膈胃停。慢驚觀。此證可與鎮心安。小兒欲作慢驚。則咽喉涎響。眉腮間紫。緩乳哺噉。見日碧多啼。辨虛實檢方對藥調理。慢驚死證歌。弄舌搖頭數。魚睛并口禁。一身全不省。百節似癱垂。臉鼻唇青紫。無時瘕瘕煩。慢驚如有此。何必更看醫。小兒慢驚若見此證。百不治。皆為死候。曾世榮活幼心書。慢驚歌。陰。盛陽虛病已深。吐餘瀉後。睡揚睛。神昏搖緩。涎流甚。此證分明是慢驚。方。

太平聖惠方白僵蠶散。治小兒慢驚風壯熱。四肢拘急。痰涎壅滯。發歇不定。

白僵蠶一分微炒
 白附子一分炮裂
 蟬殼一分微炒
 蘆會一分細研
 五靈脂一分

塘頭一枚塗酥炙令焦黃 朱砂一分細研牛黃半分細研
麝香半分細研雄黃一分細研辟宮子二枚塗酥炙令焦黃

右件藥搗羅為散。入研了藥令勻。不計時候。以薄荷湯調下半錢。看
兒大小。加減服之。

龍腦散。治小兒慢驚風。心胃痰涎。上攻咽喉如呀。身體壯熱。筋脉拘急。或
時發歇抽掣。

龍腦半分細研 雄黃一分細研 麝香一分細研 蘆會一分細研

胡黃連一分 青黛一分細研 牛黃一分細研 木香一分

丁香一分 天竺黃一分細研 熊膽一分

犀角屑一分 乾蠟一分 土用膩粉一分 朱砂一分細研

右件藥搗細羅為散。同研令勻。不計時候。薄荷湯調二錢。服之。量兒
大小。以意加減。

牛黃散。治小兒慢驚風。壯熱心煩。發歇搐搦。

牛黃一分 麝香一分 雄黃一分 熊膽半分

蘆會一分 朱砂半兩細研 水飛過 夜明沙一分微炒

乾蠟一分 牛末 天竺黃一分 犀角末一分 胡黃連末一分

水藥大典卷九百八十 十一

白殭蠶一分末

右都細末為散。不計時候。以薄荷湯調半錢。服之。量兒大小。以意加
減。兼用少許吹入鼻中良。

犀角散。治小兒慢驚風。心神煩熱。多驚體瘦。四肢抽掣。

犀角屑一分 天麻一分 白附一分 炮製乾蠟一分微炒

膩粉半分 朱砂半兩細研 水飛過 麝香一分

牛黃一分細研 脫蠶蟻半分

右件藥搗細羅為散。不計時候。煎龍膽湯放溫。調下半錢。量兒大小。
以意加減。

牛黃丸。治小兒慢驚風。發不止。

牛黃半兩細研 天竺黃半兩細研 犀角屑半兩

芎藭一分 人參一分 去蘆頭 白茯苓一分

麝香一分 鈞藤一分 胡黃連半兩 丁香一分

龍腦半錢細研 龍齒一分細研 右件藥搗羅為末。用水蜜和丸。如菉豆大。每服以粥飲下三丸。量兒

大小。以意加減。

烏犀散。治小兒慢驚風。或發即戴眼向上。手足搐搦。

烏犀角屑一分。獨角仙三枚。微炙去翅足。驢胎耳一分。燒灰。

雀兒飯甕五枚。乾蟾一分。燒灰。白殭蠶一分。微炒。

朱砂一分。細研。雄黃一分。細研。丁香一分。蠶紙一張。出于青。

地灰。麝香一分。細研。牛黃一分。細研。羌活半兩。

青黛一分。細研。天竺黃一分。細研。

右件藥搗細羅為散。都研令勻。不計時候。以溫水調下半錢。量兒大小。加減服之。

麝香散。治小兒慢驚風。及天瀉。

麝香一分。細研。膩粉一分。牛黃一分。細研。乾蝎一分。

白附子一分。炮裂。

右件藥搗細羅為散。不計時候。以薄荷汁調下一字。量兒大小。加減服之。

天竺黃散。治小兒慢驚風。體熱搐搦。

天竺黃半兩。細研。川大黃三分。剉碎。微炒。

天麻半兩。栢枝半兩。微炙。天蟬殼一分。微炒。白附子一分。炮裂。

永樂大典卷九百八十

十二

鬱金半兩。乾蝎一分。微炒。

右件藥搗細羅為散。不計時候。以乳汁調下一字。量兒大小。加減服之。

朱砂散。治小兒一臘後。月內忽中慢驚風。及無辜之候。

朱砂一分。細研。牛黃一分。細研。麝香一分。細研。乾蝎十四枚。微炒。

雀兒飯甕二七枚。微炒。令黃去殼。

右件藥細研為散。不計時候。以乳汁調下半錢。薄荷湯調下亦得。更量兒大小。以意加減。

真珠丸。治小兒慢驚風。墜涎。

真珠一分。牛黃一分。朱砂一分。雄黃一分。

膩粉一分。

右件藥都細研。用粳米飯和丸如黃米大。三歲兒每服以薄荷湯下三丸。日三服。量兒大小。以意加減。

比金丸。治小兒慢驚風。胃膈多涎。迷悶口噤。發歇搐搦。縱睡多驚。

牛黃一錢。細研。麝香一錢。細研。烏犀角屑一分。朱砂一分。細研。烏蛇肉一分。炙令黃。乾蝎一分。微炒。雄黃一錢。細研。

水銀一分 金薄二十一片 銀薄二十一片 已上三味同研為砂子 雀兒飯甕三十粒內用物者微炒

天南星一分炮裂 羚羊角屑一分

右件藥搗羅為末都研合勻鍊了蜜和丸如菜豆大不計時候以薄荷汁下三丸量兒大小加減脈之

天竺黃丸治小兒慢驚風搐搦

天竺黃一分細研 牛黃一分細研 麝香一分細研 龍腦半分細研 木香半分 丁香半分 雄蠶蛾十四枚

雄黃半分細研 胡黃連半分 朱砂一分細研 金薄十四片細研 膩粉半分 熊膽半分 蘆會半分細研 犀角屑半分

右件藥搗羅為末都研合勻鍊了蜜和丸如菜豆大不計時候以粥飲下三丸量兒大小加減脈之

天麻丸治小兒慢驚風熱筋脉跳掣精神昏悶風涎不利

天麻一兩 乾蠍一兩土用白殭蠶一兩土用 防風一兩去蘆頭 甘草一分炙微赤剉 白附子一兩土用 朱砂一分細研 雄黃一分

牛黃一分 麝香一分

右件藥搗羅為末研入朱砂等四味合勻鍊蜜和丸如菜豆大不計時候以薄荷湯化破三丸脈之看兒大小臨時加減脈之

青黛丸治小兒慢驚風體熱多涎發歇搐搦

青黛一分細研 牛黃一分細研 朱砂半兩細研 水飛過 蝸牛一分炒令黃 烏蛇一兩酒浸去皮骨炙令黃

乾蠍二七枚微炒 胡黃連一分 白殭蠶一分微炒 白附子一分炮裂 麝香一錢細研 蟾酥三片如柳葉

大紙上火焙 狗膽二枚取汁

右件藥搗羅為末入狗膽汁與糯米飯和丸如黃米粒大三歲兒以薄荷湯下三丸日三脈三四歲兒服五丸

牛黃丸治小兒慢驚風及取風涎積聚

牛黃一分細研 甘草一分炙微赤剉 陳橘皮一分湯浸 去白紙焙 黃連一分去鬚 天南星一分炮裂

白附子一分炮裂 附子一分炮裂 去皮漬 半夏一分湯洗七過去滑 乾蠍一分微炒 犀角屑一分

永樂大典

卷九八〇

水銀半兩燒赤粉一處別研星蓋

金薄二十片細研

硫黃半兩細研硃砂一分細研朱砂一分細研麝香半兩細研

巴豆十枚去心皮殼別研壓去油

右件藥搗羅為末。都研令勻。以麩糊和丸。如黍米大。每服以甘草薄

荷湯下三丸。至五丸。

丁香丸。治小兒慢驚風。兼有疳氣壯熱。及乳哺減少。

母丁香半錢 胡黃連半兩 蘆會半兩細研 雄黃半兩細研

朱砂一分細研 牛黃半兩細研 麝香一分細研 蠟梢一分微炒

青黛一分細研 膩粉半兩 白附子一分炮裂

天竺黃一分細研 鉛霜半兩細研

右件藥搗羅為末。取五月五日稜子尖和丸。如黍豆大。不計時候。以粥飲下三丸。量兒大小。以意加減。

朱砂丸。治小兒慢驚風。四肢拘急。心胃痰滯。身體壯熱。

朱砂半兩細研水飛過 牛黃一分細研 麝香半兩細研

天麻半兩 天南星半兩炮裂 乾薑半兩炮裂到

白附子半兩炮裂 乾薑半兩炮裂到

永樂大典卷九百八十

十四

巴豆半兩去心皮研壓去油

右件藥搗羅為末。鍊蜜和丸。如黍米大。每服以妳汁下一丸。荆芥湯

下亦得。量大小以意加減。

保命丸。治小兒慢驚風。及天癆驚熱。

牛黃一分細研 乾蠟一分微炒 白僵蠶一分微炒

蟬殼一分微炒 天麻一分 白附子一分炮裂

蟾酥半兩研入犀角屑一分 天南星一分炮裂

青黛一分細研 朱砂一分細研 麝香一分細研 天漿子一分微炒

今黃土散

右件藥搗羅為末。用獺猪膽汁和丸。如黍豆大。不計時候。用薄荷湯

下三丸。又以水化二丸。滴入鼻中。令連連啞。後再服。更在臨時量兒

大小增減。

朱砂丸。治小兒慢驚風。搐搦發歇不定。喉中涎聚。時作聲。漸覺虛羸。不下

乳食。眼澀多睡。

朱砂半兩細研水飛過 雄黃半兩細研 乾蠟半兩微炒

牛黃一分細研 龍腦一分細研 膩粉一分 水銀半兩以鉛一

分結為砂子 硃砂一分細研

右件藥先研水銀砂子令細。即與諸藥同研。入棗肉和丸如菉豆大。百日已上兒。以薄荷湯下一丸。一歲兒兩丸。二三歲兒三丸。取下粘涎惡物為効。此藥慢善不瀉。但是虛困瘦瘠。宜與脈之神驗。

如聖丸。治小兒慢驚風。精神昏迷。痰涎逆上。咽喉中作聲。有時口噤。發歇播擲。

牛黃二錢細研 犀角屑一分 朱砂一分細研 雄黃一分

麝香一錢細研 人參一分去蘆頭 白茯苓一分

龍齒一分細研 鈞勝一分 羌活一分 蟬殼二十枚微炒

甘草半分炙微赤剉

右件藥搗羅為末。入研了藥同研令勻。以棗肉和丸如菉豆大。不計時候。煎犀角湯下三丸。量兒大小。以意加減。

七聖丹。治小兒慢驚風。面青口噤。四肢拘急。

朱砂一分細研 牛黃一分細研 麝香一錢細研 蠍尾七枚微炒

白僵蠶七枚微炒 羌活一分 天南星半兩炮裂

右件藥搗羅為末。用棗肉和丸如菉豆大。不計時候。薄荷湯下三丸。

永樂大典卷九百八十 十五

看兒大小。加減脈之。

水銀丸。治小兒慢驚風。面青口噤。吐涎。脚冷身熱。頻頻播擲。

水銀半兩入黑鉛半兩結為砂子細研 天南星一分炮裂

鉛霜一分細研 朱砂一分細研 雄黃一分細研 天竺黃一分細研

犀角屑一分 麝香半分細研 牛黃半分細研 龍腦半分細研

馬牙消一分細研 金箔三十片細研

白附子一分炮裂 乾蠍一分微炒 膩粉半分

右件藥搗羅為末。入諸藥同研令勻。用雀兒飯甕內。蒸十枚。鍊蜜同研。和丸如菉豆大。不計時候。以薄荷湯化破三丸。脈。量兒大小。加減脈之。

保生丹。治小兒慢驚風。多涎昏悶。或口噤播擲。發歇作時。

朱砂半兩細研 水飛過 天麻半兩 白附子半兩炮裂

白僵蠶半兩微炒 乾薑一分炮裂剉

乾蠍半兩頭尾全者微炒 牛黃一分細研 麝香一分細研

右件藥搗羅為末。入朱砂等同研令勻。鍊蜜和丸如麻子大。不計時候。以金銀湯下三丸。量兒大小。以意加減。

烏犀丸治小兒慢驚風搐搦吐涎

烏犀角屑一分 羚羊角屑一分 麝香一分 細研 胡黃連一分

蘆會一分 細研 雄黃一分 細研 朱砂一分 細研 丁香一分

牛黃一分 細研 龍腦一錢 細研 天南星一兩 用酒一升 煮盡為度

切破 曝乾 半夏一分 漿水一升 煮盡為度 切破 曝乾

右件藥搗羅為末。入研了藥更研令勻。銚子內火上化石腦油和丸

如菜豆大。不計時候。以溫酒化下一丸。金銀薄荷湯下亦得

延生丹治小兒慢驚風發歇搐搦喉內多涎

朱砂一分 細研 天南星半兩 炮裂

牛黃一分 細研

麝香半分 細研 蠍梢二七枚 微炒

白僵蠶七枚 微炒

羌活一分

右件藥搗羅為末。用棗肉和丸如菜豆大。以薄荷湯化破兩丸服之。

量兒大小。以意加減

五靈脂丸治小兒慢驚風四肢搐搦頭端及全髮亦有麝香

五靈脂一兩 附子一兩 生用 去皮 臍

天南星一兩 生用

乾蠍一兩 生用 蟬殼半兩 生用

永樂大典卷九百八十

十六

右件藥搗羅為末。以醞醋二大盞。以藥末一兩。同煎成膏。入餘藥末

和丸如菜豆大。未滿月兒。以乳汁化破一丸服。二歲以下二丸。漸大

以意加之。鼻上汗出為効

龍齒丸治小兒慢驚風壯熱手足拘急

龍齒一分 麝香一錢 細研 朱砂一分 細研 白芥子一分 微炒

阿魏一錢 麝香一錢 麝香一錢 熟為度 水銀一分 金薄二十片

銀薄二十片 已上三味 細研 為砂子

右件藥搗羅為末。都研令勻。以鍊蜜和丸如黍米大。每服以溫酒下

三丸。量兒大小。以意加減

萬靈丹治小兒慢驚風多涎腹脹發歇搐搦

牛黃一錢 細研 麝香半錢 細研 熊膽半錢 研入 膩粉半錢 研入

乾蠍五枚 微炒 朱砂一分 細研 巴豆二枚 去皮 心 細研

木香半錢 白附子三枚 炮裂

蟬殼七枚 微炒

右件藥搗羅為末。都研令勻。鍊蜜和丸如黍粒大。每服以薄荷荊芥

湯下三丸。量兒大小。加減服之

迴生丹治小兒慢驚風痰涎壅悶發歇搐搦

天麻一分 白附子一分 白僵蠶一分微炒
桃膠一分 天南星一分炮裂

右件藥搗羅為末。以爛飯和丸如黍米大。每服以溫薄荷酒下三丸。量兒大小加減服之。

逐魂丹。治小兒慢驚風及天廚夜啼。

蝙蝠一枚去翼腸肚 合雄黃入中白一分微炒

乾蠟一分微炒 麝香一分微炒

右件藥搗細羅為散。入人中白等同研令均。鍊蜜和丸如菉豆大。每服以乳汁研下三丸。量兒大小加減服之。

黃連丸。治小兒慢驚風。心胃痰涎。腹內壅悶。或搐搦。

黃連一分末 青黛一分 麝香一分 朱砂一分微炒

巴豆霜半兩

右件藥都研令細。用猪膽汁和丸如黍米大。每服以薄荷湯下三丸。量兒大小加減服之。

龍腦丸。治小兒慢驚風及疳熱。

龍腦一分細研 丁香一分末 朱砂一分細研 麝香一分細研

永樂大典卷九百八十

十七

蟾酥一分研 牛黃一分細研 犀角末一分 雄黃一分細研

天竺黃一分細研

右件藥都研令勻。用猪膽一枚。別入黃連末一分。入在猪膽內。繫却以漿水一枕。入銚子內。煮盡取出。與藥末和丸如黍米大。一二歲兒。

以溫水下一丸。欲喚。先用一丸子研破吹入鼻內。得喚為効。

玉液丹。治小兒慢驚風及天廚熱痞。心驚悸等。

白附子一分生用 赤箭一分 白僵蠶一分生用

膩粉一分

右件藥以三味搗羅為末。入膩粉同研令勻。鍊蜜和丸如麻子大。一二歲兒。每服以熱水下三丸。三四歲。每服五丸。日二三服。量兒大小。

以意加減

天漿子丸。治小兒慢驚風。發歇不定。

天漿子二十七枚炒 雄黃一分末 蟬殼二十七枚微炒

棘刺三十七枚微炒 蠶紙二張燒灰 防風一兩去蘆胡

朱砂一分細研 麝香一分細研

右件藥搗羅為末。都研令勻。鍊蜜和丸如麻子大。一二歲兒。每服五

永樂大典

卷九八〇

九連夜三脹量兒大小以意加減
犀角丸治小兒慢驚風搐搦煩熱

犀角屑一分 蟬殼二七枚微炙

烏蛇半兩酒浸去

皮骨炙令黃

牛黃一分細研青黛一分細研天漿子二七粒炒

去殼

地龍一分微炒蟾酥半錢鐵器上焙過研

朱砂半兩細研水飛過

防風半兩去蘆頭

蠶紙一張燒灰麝香一分細研

右件藥搗羅為末入研了藥都研令勻鍊蜜和丸如黍米大每服以
溫荆芥湯下兩丸先研一丸著新汲水化滴在鼻中得嚏為効量兒
大小加減脈之

麝香丸治小兒慢驚風上膈多涎精神昏悶

麝香一分細研牛黃半兩細研白附子半兩炮裂

犀角屑三分 半夏一分湯洗七偏去滑

蟾酥如柳葉大兩

片於鐵器上焙猪膽一枚乾者天漿子十枚炒令黃去殼

石件藥搗羅為末用麵糊和丸如黍米大二三歲兒每服五丸未差
頻服量兒大小以意加減

永樂大典卷九百八十

十八

天南星煎丸治小兒慢驚風

天南星一兩細切以水二盞微火煎至半盞去滓重煎以膏丸諸

藥末 白附子半兩炮裂

天麻一兩

石件藥搗羅為末以天南星煎和丸如菜豆大三五歲兒每服以薄
荷湯下二丸五六歲兒每服三丸日再服量兒大小以意加減

又方

雀兒飯甕二枚有蟲者 白僵蠶三枚微炒

乾蠟三枚微炒

石件藥搗細羅為散每脈以麻黃湯調下一字日三脈汗出為効三
歲已上即加之

玉菴博濟方桃紅丸治小兒慢驚墜涎安蟲其狀多因久患脾胃虛弱風
邪中入而作此疾

綠礬一兩半 赤脚烏半兩

右二味同為細末作稠麵糊為丸如菜豆大每脈用溫米飲下三丸
次喫補虛丸

補虛丸

新羅白附子一兩湯洗去皮 大半夏一兩

右二味各用白湯浸三日。每日換水三度。取出焙乾為末。以生薑自然汁。着兩錢薑末。煮糊和為丸。如菜豆大。每服三丸。溫棗米飲下。牛黃朱砂丸。治小兒慢驚風搐搦。及天癇似癇者。

蠟梢二七箇 牛黃半錢 麝香半兩 黑附子尖三箇
雄黃少許 朱砂一錢 巴豆一粒好者燈上燒令皮焦刺
去皮用肉

右七味一處研令勻如粉。以食蒸餅和為丸。如蘿蔔子大。濃煎荊芥湯下一丸。以衣被蓋少時汗出。如天癇搐搦。開口不得者。使用苦柳草蒜。入鹽同杵。塗藥一丸在兒後心上。以前蒜蒸下餅于蓋之。用手帛子繫定。後更服一丸化破。入麝香少許。以前煎湯下之。覺口內蒜氣。渾身汗出。立差。用端午日。念忌鷄犬。婦人見。

如聖青金丸。治小兒體熱。忽發吐逆。夜驚啼。在并不解。或泄或衄。變成慢驚。或為疳疾等狀。定搐搦。療疳病墜痰涎。鎮心神。

龍腦一錢 麝香一分 香墨一錢半 膩粉一錢
白麵三錢 使君子兩箇以白麵裹煨火煨令熟

水藥大典卷九百八十

十九

青黛二錢 金箔 銀箔各一十片如無少用

右丸味同研令細。滴井水和丸如鷄頭大。患慢驚。用冷薄荷水化下。一丸。服訖。須臾便睡。睡立愈。後更服三兩丸。如此些小驚者及急驚。只服半丸。以下慢驚。隨大便取下涎一合已未。神效。

養生必用釣藤飲子。治小兒陰癇多睡。手足冷。時應痰。宜視乳食不進。

釣藤鈎子三分白僵蠶去絲背炒 川芎
蟬蛻去頭翅足炙 蛇蛻炙 甘草炙各一分
蟋蟀去頭翅足炙三枚

右為末。藥二錢。水一盞。薑五片。煎至七分。去滓。量與服。一服作三四次。灌。若審是陰癇。即以藥二錢。炮過。去皮臍。附子指面大。依前煎溫。服。日三夜二。

治小兒陰癇體熱。虛瘡多睡方

烏蛇酒浸軟去皮骨取肉焙 蠟梢
微炒 白附子 青黛已上各一分
白僵蠶去絲背刺
蟋蟀五枚去頭翅足炙令黃 蟾酥二皂子大
右為細末。蜜丸桐子大。湯浸大葉薄荷水化半丸。灌兒鼻中。俟嚏方。

可醫。用金銀湯化一丸溫脈。日二三。

古方至聖米復丹。治小兒慢驚云。此藥二氣配類陰陽均平。非獨陰獨陽有天地中和之氣。可熱可冷。可緩可急。治人陰陽不調。冷熱相劑。榮衛差錯。心腎不升降。水火不交養。丈夫女人。老壽稚嬰。危急證候。並可救治。但一點胃氣在。無不獲安。邪熱炎上煩躁。一脈定。冷氣攻注痛。一脈定。患膈痞寒熱不可忍。邪攻脇注痛。不可轉動者。一脈定。諸霍亂吐瀉。水穀湯藥不住。一脈定。大段吐逆。手足逆冷。脚轉筋兩脈定。暖氣復生。着熱煩躁。昏塞旋倒。不省人事。一脈定。魁。已上病證。並不踰時見效。若瀉痢不問赤白冷熱。量患淺深與脈。非時吐逆氣痞食不下。已上病。每脈二十粒。並早晨粥飲下。甚者三十粒。輕者十五粒。童稚十粒。嬰兒三五粒。新生一兩粒。化破。小兒因驚成癇。發渴多日。變成虛風。作慢驚者。三粒五粒併喫。兩脈定。慢驚本非氣衰也。若已絕者。亦一時暫生。終不救。胃氣在。雖困無不救者。大人亦然。但是臟腑病。一切危急。不識證候者。此藥非與常藥一同。乃聖救人之寶。其色隨四時變動。深宜寶秘。勿輕妄傳。甚妙不可述。具列方于後。

硝石一兩。同硃黃為細末。定標內以微火慢炒。用柳昆子不住手。

永樂大典卷九百八十

二十

攪合陰陽二氣相入

太陰玄精石一兩研飛

五靈脂二兩去砂石

舶上硃黃一兩無砂石者

青皮 陳皮各二兩去白

右用五靈脂。二橘皮為細末。次入玄精石末。及前二氣末。拌勻。以好滴醋打糊。為丸如豌豆大。每脈三十粒。空心粥飲吞下。甚者五十粒。小兒三五粒。新生嬰兒一粒。小兒慢驚風。或吐痢不止。變成虛風。搐搦者。非風也。胃氣欲絕故也。用五粒研碎。米飲送下。老人伏着迷悶。紫蘇湯下。婦人產後血逆上搶。悶絕。并惡露不止。及赤白帶下。並用醋湯下。常脈和陰陽。益精神。散腰腎陰濕。止腹脇冷疼。立見神效。應諸疾不辨陰陽證者。並宜脈之。靈異不可具紀。

茅先生治小兒慢驚風。睡驚膏

青黛末好者半錢。次一錢。已全蝎二七箇。川巴豆七箇。湯浸去皮。心膜。又用冷水浸一宿。紙攤乾。輕粉重半錢。水銀重一錢。

右以棗肉四箇。研殺水銀星盡。可入前藥。都為末。研成膏。用單裹用。周歲用。无半米粒大。兒大小。加減用之。用童子小便和酒磨此藥。灌

下如兒子才噤口不開。却將藥三二滴。滴入鼻中。其口自開。使灌下藥。不久通下。涎米。使依形候。次看病用藥。

回陽大附散。治小兒慢驚風。下痰後。伏熱不退。

大附子炮 人參 前胡 桔梗 去蘆頭 各半兩

木香 一分

右為末。每服半錢。用薑湯調下。已上三方。裁切切新書。

錢乙小兒方。釣藤飲子。治吐痢。脾胃氣弱。虛風慢驚。

釣藤 二分 蟬殼 防風 去蘆頭切焙 人參 切去鬚焙

麻黃 去節 白僵蠶 炒黃色 天麻 蝎尾 各半兩 去毒炒

甘草 炙 川芎 各一分 麝香 一錢 別研

右同為細末。每服二錢。水一盞。煎至六分。溫服。量多少與之。寒多者

加附子末半錢。無時。

豆卷散。治小兒慢驚。多用性太溫。及熱藥治之。有驚未退。而別生熱證。有病愈而致熱證者。有反為急驚者甚多。當問病者數日。因何得之。曹以何藥療之。可用解毒之藥。無不效。宜此方。

大豆黃卷 水浸黑豆生芽是也 日乾 貫衆

永樂大典卷九百八十

二十一

板藍根 甘草 各一兩 炙

右四味同為細末。每服半錢。水煎。去滓。服。甚者三錢。漿水內入油數

點煎。又治吐蟲。脈無時。

又方龍腦散

大黃 蒸 半夏 湯洗薄切用薑汁洗一日焙乾炒

甘草 炙 金星石 寒水石 禹餘糧

不灰木 青蛤粉 各半兩 銀星石

右同為細末。研入龍腦一字。再研勻。新水調一字。至半錢。量兒小與之。

通解諸毒。本舊方也。仲陽添甘松三兩枚。藿香葉末一錢。金牙石一分。

迴生散。治小兒吐瀉。或誤服冷藥。脾虛生風。成慢驚。

大天南星 重八九錢 已上者良

右用地坑子一箇。深三寸許。用炭火五斤。燒通赤。入好酒半盞在內。

然後入天南星。却用炭火三兩條。蓋却坑子。候天南星微裂。取出剉

碎。再炒勻熟。不可稍生。放冷為細末。每服半錢。或一字。量兒大小。濃

煎生薑防風湯調下。無時。

又方名梓朴散

永樂大典

卷九八〇

梓州厚朴一兩細對

半夏一錢湯洗七次薑汁炙半日乾

右用米泔三升同浸一百刻水盡為度如百刻水未盡少加大熬乾去厚朴只將半夏碾為細末每服半錢或一字薄荷湯調下無時羌活膏治脾胃虛肝氣熱盛生風或取轉過或吐瀉後為慢驚者亦治傷寒無不效

羌活去蘆頭 川芎

人參切去頭 白附子炮

赤茯苓去皮各半兩

天麻一兩 白僵蠶酒洗炒黃

乾蠍炒去毒 白花蛇酒洗取肉焙乾各一兩 川附子炮去皮勝

防風去蘆頭切焙 麻黃去節秤各二錢一本作各三錢

肉豆蔻 鷄頭香母丁香也 藿香葉 沉香

木香各二錢 輕粉一字 真珠末 牛黃各一錢半

龍腦半字 麝香一錢七一本作一錢半 雄黃

辰砂各一分已上七味各研別入

右為細末熟蜜丸劑旋丸大豆大每服一二丸食前薄荷湯或麥門冬湯化下實熱急驚勿服性溫故也脈無時

古今論難舌香者同異紛紛或以為番棗核或以為母丁香互相排抵竟

永樂大典卷九百八十

二十二

無定說孝忠以謂最為易辨所以久無定說者惑於其名耳古人命藥多以其形似者名之如烏頭狗脊鶴虱之類是也番棗核母丁香本二物以其皆似難舌故名適同凡藥物名同實異如金櫻地錦之類不足恆也如雞舌二種各有主療番棗核者得於乳香中今治傷折藥多用之母丁香即丁香之老者極芳烈古人含雞舌香乃此類也今治氣溫中藥多用之所謂最為易辨者如此

溫白丸治小兒脾氣虛困洩瀉瘦弱冷疳洞利及因吐瀉或久病成慢驚身冷瘵癥

天麻生半兩 白僵蠶炮 白附子生 乾蝎去毒

天南星剉湯洗七次焙各一分

右同為末湯浸寒食麵為丸如棗豆大丸了仍於寒食麵養七日取出未及養七日合成便服之每服五七丸至三二十丸空心煎生薑米飲下漸加丸數多與脈之

蘇蘇湯治慢驚

蘇蘇根各二錢 白甘遂末一錢

右同於慢火上炒焦黃研勻每服一字煎麝香薄荷湯調下無時

聖濟總錄羌活丸治小兒慢驚虛困痰涎不利

羌活去蘆頭一兩

白僵蠶炒半兩二味搗末

酥黃

水銀各一分二味結沙于研

右四味合研勻細鍊蜜和丸如豌豆大四五歲每服二丸三歲以下

一丸煎金銀荊芥薄荷湯化下

琥珀丸治慢驚風

琥珀研

犀角末各一錢真珠末

天南星酒浸麩炒

各二錢

牛黃研

龍腦研

麝香研各一字

丹砂研一分

乾蠍七枚全者炒

右丸味搗細為細末鍊蜜丸如雞頭實大每服一丸煎菊花湯化下

回魂煎治小兒慢驚風

天南星一枚重三錢者燒地坑子合赤用醋浸下天南星以坑子

合定勿透氣去皮橋取二錢烏蛇四寸用酒浸去皮骨炙

白附子三枚生用

蜈蚣一條酒浸棘刺子三十枚

乾蠍全者七枚炒

水銀沙于兩皂子大

丹砂

膩粉各一分

麝香

犀角末

永樂大典卷九百八十

二十三

乳香各一錢

金薄三片共沙于一處研

牛黃

龍腦各半錢研

右一十五味搗研勻細用石腦油為膏旋丸如豌豆大每服一丸薄荷湯化下

天南星煎丸治小兒慢驚風

天南星一兩細剉水二盞微火熬至半盞去滓重熬成膏

白附子半兩炮天麻一兩

乾蠍一分炒

右四味搗羅三味為末入天南星膏內和丸如菉豆大三五歲兒每

服二丸薄荷湯下五六歲兒三丸日再服更量兒大小加減不拘時

天漿子散治小兒慢驚風

天漿子

白僵蠶炒

乾蠍炒各三枚

右三味搗羅為散每服一字匕煎麻黃湯調下日三服汗出為效更

紫霜散治小兒慢驚風潮發搐搦項筋緊強

白花蛇酒浸一宿去皮骨炙一兩

鐵粉半兩研

丹砂研

白附子炮

蠍梢各一分

麝香一錢研

乾蠍散治小兒慢驚風。右六味搗研為細散。每服半錢。薄荷湯調下。不拘時。

乾蠍 五枚 全者炒
青黛 研
白附子 炮各半兩
細辛 去苗葉
乳香 研各一分

羌活煎治小兒慢驚風。兼內外俱虛。右五味搗研為細散。每服半錢。煎冬瓜子湯調下。不拘時。

羌活 去蘆頭
防風 去土
桂 去粗皮
獨活 去蘆頭
人參 各一分
白附子 半兩
乾蠍 全者炒
白僵蠶 炒各一分

歸魂丸治小兒慢驚風。搖頭閉目。右一十味。搗羅八味為末。次鎔硫黃成汁。次入水銀為沙子。放冷細研入眾藥末。用棗肉蜜和成餅。每服一大豆許。煎防風湯化下。紫參人參湯亦得。一方去白僵蠶加茯苓一分。

歸魂丸 治小兒慢驚風 搖頭閉目
金薄 十五片 研丹砂研
臍粉 研
牛黃 研
青黛 研
白僵蠶 炒
蟬殼 去土
白附子 炮
乾蠍 全者炒
防風 去土
犀角 鎔
天南星 炮各一分

永樂大典卷九百八十一
三十四

天麻半兩 棘剛子十二枚 右一十四味為細末。鍊蜜和丸如梧桐子大。每服一丸。薄荷湯化下。始食後臨睡服。

丁香丸治小兒慢驚風。吐逆不定。胃虛生涎。多驚。饒睡。丁香一分。為末。半夏三枚。湯洗十遍。焙乾為末。水銀鉛各一分。二味結沙。子。蠍梢四十九枚。炒為末。

右五味合研勻細。用熟棗肉和丸如菉豆大。每服五丸。至七丸。量兒大小加減。並用荊芥薄荷湯下。大人虛風痰涎。丸如梧桐子大。一服七丸。至十九丸。

乳香丸治小兒慢驚風。心神悶亂。煩燥不安。筋脉拘急。胃虛蟲動。反折啼叫。乳香 蓋子內。過研半錢。胡粉 一錢。

右二味合研勻細。用白頭蚯蚓。生捏去土。爛研和就為丸。如麻子大。每服七丸。至十九丸。煎葱白湯下。更量兒大小加減。

乾蠍天麻散治小兒慢驚風。乾蠍 全者十枚 炒。天麻。

乳香 天南星炮 丹砂研各一分

石六味搗研為細散每服半錢匕薄荷湯調下不拘時

麻黃散治小兒慢驚風因轉瀉虛極多睡善欠醫所不能療

麻黃七節以兒中指節比 薄荷全者七葉乾嗽全者一枚

右三味各炒黃色合搗研為細散每服半錢匕溫薄荷水調下更量兒大小加減脈後略以衣被蓋之汗出立差

治慢驚罷擋煎方

丹砂研 水銀 天南星炮 膩粉研

薄荷 白附子炮 乾嗽全者炒各一分

右七味為細末用石腦油和成煎每服一大豆許薄荷湯化下

萬靈丹治小兒慢驚風多涎腹脹潮熱發渴搗搗

牛黃一錢細研麝香半錢細研熊膽半錢細研膩粉半錢細研

乾嗽五枚微炒朱砂一分細研巴豆三枚去皮心生研

木香半錢 白附子三枚炮裂 蟬殼七枚微炒

右一十味先搗羅四味為細末次入六味都研令勻鍊蜜為丸如黍米大每服三丸煎薄荷荊芥湯下量兒大小加減

永樂大典卷九百八十 二十五

犀角丸治小兒慢驚風搗搗煩熱

犀角屑一分 蟬殼二七枚微炙 天漿子二七枚懸

炒去殼 牛黃一分細研青黛一分細研烏蛇半兩酒浸去

去骨炙令黃 地龍一分微炒蟾酥半錢鐵器上焙過研

朱砂半兩細研水飛 防風半兩去蘆頭

蠶紙一張燒灰麝香一分細研

右一十二味先搗七味為細末次入五味都研令勻鍊蜜為丸如黍米大每服兩丸煎荊芥湯下大人風癩取活蠖蝮蟲不拘多少研入泥生麩和丸如鷄頭實大捏作餅子塘灰火煨熟每嚼一餅子煎荊芥湯下煎藥十丸更量大小虛實加減

磨化龍腦丸治小兒慢驚風潮發

龍腦 麝香 蘆會 熊膽

膩粉各半錢研 胡黃連 使君子 青黛研各一錢

香墨半兩研

右九味搗羅胡黃連使君子為末餘研極細滴水和丸如梧桐子大每服二丸煎金銀薄荷磨下煙宿取惡物使安

永樂大典

卷九八〇

盧會散治小兒慢驚風背膈痰涎咽喉壅塞身體壯熱筋脉拘急時或發

盧會研

龍骨

雄黃研

麝香研各半分

胡黃連

青黛研

木香

丁香

牛黃研

天竺黃

熊膽研

丹砂研

附子炮裂去皮脐

膩粉研

丹砂研

犀角镑

人參

沉香各一分

右一十八味搗研為散半錢匕薄荷湯調下

再生丸治小兒虛風慢驚搐搦項筋緊張手足逆冷腰背拘急

蜈蚣一條酒浸一宿炙

乾蠍全者七枚炒

蠶蛾十枚炒

白僵蠶直者炒

丹砂研各一分

天南星炮

白附子炮

麝香當門子各一枚

薄荷心七枚

龍腦研

水銀錫結沙于各一錢

棘剛子三十枚炒

右一十二味搗研為細末研以石腦油和劑油單裹每服旋作一

丸如黍米大冷水化下須發前脈三脈必効後脈睡脾散

睡脾散治小兒慢驚風

永樂大典卷九百八十

三十六

桑螵蛸四枚

乾薄荷葉

乾蠍全者炒

人參

乾山芋

天南星炮

半夏生薑汁浸透切焙各一分

右七味搗羅為細散每服半錢匕麝香粟米飲調下

釣藤煎治小兒虛風

釣藤

防風去叉

芎藭

天麻酒浸切焙

麻黃去根節各一分

荆芥穗

蟬殼去土

蠍梢炒各半兩

白僵蠶十四枚炒

麝香各一字研

薄荷心二十六枚

酒浸焙

龍腦

麝香各一字研

右一十二味搗研為細末鍊蜜和成煎每服皂子大荆芥紫參湯化

下

麝香餅子治小兒慢驚風涎塞咽喉利藥過度者

麝香研

膩粉各三錢匕定粉二錢匕

右三味令勻細以香墨研濃汁和丸捏如桐豆大每服一餅薄荷湯

化下

天麻丸治小兒慢驚神識昏塞時發時省手足搐搦目睛直視

天麻

白僵蠶

乾蠍去土炒

白附子各二分

牛黃研

丹砂研

麝香研各半錢 雄黃研一錢

石八味搗研為末。鍊蜜和丸如雞頭實大。每服一丸。薄荷湯下。量兒

大小加減。脈 桃紅散。治小兒慢驚風。手足痙瘓。神情如醉。

天南星炮

烏頭炮製去皮臍

白附子炮

天麻各半兩

乾嗽微炒二十一枚

丹砂研一分

右六味搗研為細散。每服一字。或半錢。匕。旋入牛黃龍腦各少許。煎

麻黃湯調下。日三

天竺黃

人參

胡黃連

使君子炮各一分

半夏三枚生薑汁浸炒

藿香半分

丹砂研

麝香研各半錢微炒

甘草炙各一分

右一十味。將八味搗為細散。入丹砂麝香研勻。每服一字。匕。冷蜜湯

調下。熱水亦得。量大小加減。脈之

張煥賢方妙選麝香餅子。因吐利生風。及心肺中風。尤宜脈之

川烏頭半箇炮去皮臍 天南星半兩炮 白花蛇半兩酒浸

永樂大典卷九百八十

三七

一宿去皮骨焙乾

乾嗽稍半兩

乾赤頭蜈蚣二條

酒浸酥炙黃

己上搗羅為細末。次用

好真麝香半兩另研

乳香一分別研鐵粉一分別研

朱砂一分細研水飛

牛黃一分別研

右件都一處研細拌勻。酒打白麵糊和為餅子。如雞頭實大。每服一粒。

至二粒。煎人參薄荷湯化下。量兒大小加減。

烏梢丹。因吐利後生風。及心肺中風。尤宜脈之。

烏蛇梢二兩水浸去皮骨

天漿子二十一箇微炒

天麻一兩

白附子一兩

天南星一兩微炒

乾金蠟一兩

川附子一兩炮製去皮臍

防風一兩剉

半夏一兩湯洗七遍

人參一兩去蘆頭

右件十味。一處用好酒浸三宿。取出焙乾。搗羅為細末。次用水磨雄黃一兩。辰州朱砂一兩。同細研水飛。焙乾。同上件藥十味。二處拌勻。入麝香二錢。生龍腦一錢。研勻。細糯米飯和如黍米大。每服七粒。至十五粒。煎金銀薄荷湯下。神驗。量兒大小加減。

蜈蚣膏 慢驚 久不差 尤宜脈之

真桑螵蛸七箇 微炒黃

天麻半兩

麻黃一兩 去節

蜈蚣一分

白僵蠶一分 棘直者 微炒

已上搗羅為細末 次用

朱砂半兩 細研水飛

乳香一分 研 鵬砂一錢 研

麝香一錢 研 龍腦半錢 研

右件都一處拌勻 煉蜜和成膏 如難實 大用金箔裹之 每脈一粒 煎荆芥薄荷湯化下

青金膏 吐利生風 變成慢驚 尤宜脈之

烏蛇梢肉一分 酒浸一宿 焙乾 乾蜈蚣一分 天麻一分

白附子一分 青黛一分 研 川附子一枚 炮去皮臍

麝香一錢 研 天竺黃一錢 研

右件免將烏蛇梢肉等五味 先搗羅為細末 次入青黛等三味 拌勻 煉蜜成膏 如皂子大 煎人參湯薄荷湯化下

大青丹 治潮熱 荏苒不差

蜈蚣一分 白附子一分 白僵蠶一分 炒黃

永樂大典卷九百八十

二十八

乾蝦蟆二箇 燒灰

木香一分 檳榔一分

已上搗羅為細末 次入

青黛一分 研 續隨子一分 研

右件同諸藥 一處拌勻 用糯米飯和如黍米大 每脈十粒 點麝香薄荷湯下 量兒大小 加減

寧眠散 治潮搐 不得安卧

天南星炮裂 人參去蘆頭 白附子已上各半兩

乾蜈蚣二十一箇 乾赤頭蜈蚣一條 酒浸 酥炙 微黃

已上搗羅為細末 次用

乳香一分 研 細血竭一分 研 細

右件同諸藥 拌勻 每脈一字 至半錢 用好酒少許 浸薄荷煎湯 調下 每兒潮搐 脈之得眠 睡是驗 次用辰砂膏方 相兼脈之

辰砂膏 潮搐 昏困 甚者

大附子一箇 六七錢 以上者 炮去皮臍 去頂頭 刺一孔 設于八分

霜 兩砂各半錢 入乳袋中 却用取下附子 末填滿 置于用木炭火燒存性 次用

天南星半兩炮裂 嫩梢一分 羌活一分
右件同搗羅為細末。次用好朱砂半兩。細研水飛。入諸藥內同拌勻。
煉蜜如雞實大。每服一粒。至二粒。點麝香薄荷湯。入酒三兩。點同化
下

寸金散吐利後生驚風。及心肺中風。尤宜服之。
蛇頭一箇酒洗焙乾 赤頭蜈蚣一條酥炙

乾全蠍一錢 草烏頭一枚炮制去皮 麻黃一錢去根節
右件搗羅為細末。每服一字。抄龍腦一字。同溫酒調下。量兒大小加
減

妙聖散治小兒慢驚風。火不差。兩手搐搦不定。
乾赤頭蜈蚣一箇。蔥汁浸一日一夜。焙乾 草烏頭尖一十四
箇。薄荷生薑自然汁浸一日一夜。焙乾。同搗羅為細末

麝香一錢 龍腦半錢。已上二味各研細。入前藥拌勻
石件都為末拌勻。每用半字。以筆管吹在兒鼻中。候兩手定。兼脈諸
驚風藥

漢東王先生家寶玉珍散。治嬰孩小兒。腮腫舌腫。驚躁渴瀉。驚熱驚汗

永樂大典卷九百八十 二十九

石膏半兩煨 甘草一分炙 滑石半兩白者佳
白附子一分 蚌粉水淘去沙石。却連蓋在火上煨通紅。刮下。用
水飛過。細研一分

白僵蠶直者去絲。炒一分
右為細末。入腦麝各少許。每服嬰孩一字。二三歲半錢。五七歲一錢。
麥門冬熟調下。如渴瀉不止。驚汗。燈心湯調下。小兒氣恠者。腦麝極
少用

栖真子嬰童寶鑑治小兒慢驚風。身體壯熱。手足微瘳。睡驚无
白龍腦 朱砂末各一錢 香墨末 青黛末

蘆會末各一錢 膩粉一錢 使君子二百
右件以寒食麪為糊。光如桐子大。用薄荷水化一丸

九齋衛生薰陸香圓。療小兒虛風慢驚。潮搐癩癧。安神菟。益心氣
血竭半兩 乳香

右件同研細。火上炙為无。乾時滴水圓如酸棗大。每服一丸。薄荷酒
化下。兼理婦人產後血暈。不省人事。裁切切新書御藥院方。如夏月。
嬰兒患上件病證。為細末。薄荷人參湯調下。不拘時候。
董汲孫舍備要釣藤飲。治小兒吐利後。虛慢驚。手足瘳癩。多睡眼上視。

永樂大典

卷九八〇

乳食不進

鈞藤鈎子三分芳窮

白僵蠶去背炒蟬蛻去足各半兩

蛇皮

甘草各炙一分蟻娘五枚炙去頭翅足

附子炮去皮膽半兩

右為末每服二錢水一盞煎至六分去滓溫分三服急驚有熱證去附子不用

萬全方治小兒慢驚風及天癆驚熱保命丸

牛黃

腦麝

青黛

朱砂各研

乾蝦

白僵蠶

蟬殼各微炒

天麻

白附子炮

犀角屑

天南星炮裂

天漿子麩炒令黃

用各一分

右件搗羅為末用豬膽汁和丸如菉豆大每服三丸薄荷湯下又以水化二丸滴入鼻中令速連嚏後再服更臨時量兒大小以意加減

治小兒慢驚風四肢搐搦熊膽丸

熊膽

五靈脂別研為末飛過

附子去皮

永樂大典卷九百八十

三十

天南星

乾蝦三味生用已上各半兩

蟬殼去頭足生用一分

石件搗羅為末以百沸湯化熊膽五靈脂二味入銀器中熬成膏和入餘藥末尤如菉豆大未滿月兒以乳汁化破一丸二歲已下二丸漸大以意加之汗出為効

石壁經三十六種治慢驚先宜用解表散

荆芥

杏仁去皮尖或炒黃色別研各半兩

川芎二錢

麻黃去節

防風

甘草炙各半兩

赤茯苓半兩或三錢半

右為末每服一錢葱白三寸薑三片水一盞煎三五沸連進二服汗出避風或煎此湯調下如常服葱湯下半錢慢驚用平涼藥便宜三十六種慢驚將發用白木麻黃散

白米炒

乾葛各一分麻黃半兩去節

右件為末每服半錢荆芥湯下服後忌衝風須有汗如水出再進一二服如困睡不省即宜下琥珀散

又琥珀散

上色朱砂 真珠末 芍藥 鉛白霜

右等分為末。每服半錢。薄荷湯調下。
又方三十六種慢驚風正發。用治心煩熾惡方

人參 甘草 木香 沉香

藿香葉 白朮 各一分
右件為末。每服一錢。飯飲調下

風隨經白鶴丹。治小兒慢脾風不醒。四肢冷。不食嘔逆。漸生風疾

白花蛇肉半兩酒浸去皮炙黃焦 白附子土用兩箇

僵蠶去絲 天南星 去皮紅酒煮 天麻

輕粉

右為末。法酒煮麪糊為丸如黍米大。薄荷湯入酒一滴化下。慢驚用
銀粉藥宜審用之

患眼觀證甘乳散。定慢風搐搦。先用乳香甘遂壓涎定搐。凡慢驚風未散。
下流宜用此二藥相兼服。待涎不搐。方通利。其方在搐搦門中

白附子 川烏頭並炮存性各一錢先各以一兩可燒待二

錢 朱砂 鵬砂各一錢 腦麝各少許

永樂大典卷九百八十

五十一

右為末。薄荷湯調下一錢。至二錢

國醫李安仁傳酒煎附子四神丹。治小兒慢驚。又治一切虛冷之疾。升降

陰陽順正。祛邪消風冷。痰涎散結。伏滯氣。通利關節。破瘀散凝。澀奔衝夫
經之血。接助真氣。主續脉息。補腎經不足。利膀胱小腸。秘精固氣。定喘止

逆。壓煩燥。養胃氣。療五藏虧損。下虛上壅。胃中痰飲。臍腹冷積。奔豚氣衝。
上下循環。攻刺疼痛。脾寒冷汗。中風痿痺。精神昏亂。霍亂吐瀉。手足逆冷。

陰毒傷寒。四肢厥逆。形寒惡風。向暗睡卧。乍寒乍亂。婦人產後諸疾。血氣
逆潮。迷悶欲絕。赤白帶下。崩漏不止。應文新諸病。未能辨別。虛實冷熱證

候。用藥未效。悉宜此藥。分勻陰陽氣正。便遂安和。王不待已。詳證了脉

水窟雄黃 雌黃 辰砂 透明礞黃

右四物各半斤。並別研水飛過。淨乾。再同研勻。用燒藥合子一箇。看
大小用。臨時先以牡丹根皮燒烟熏合子。令烟氣黑黃色。入前四

物在內。約留藥合子口下及一指。以醋調臘茶作餅子蓋定。與合子
口縫。用赤石脂泥固濟合子。用合蓋子蓋之。令密。却用紙筋鹽泥。

通裏合子。固濟約厚一脂。放合極乾。初用炭火燒熱。次加少火燒合
通赤。常約合火五斤以來。漸漸添火氣。小却添至五斤以來。照顧勿

令炭厚薄不一。可添至三秤得濟。去火漸令冷。入在地坑內。深一尺已上。用好黄土蓋之。候三日取出。打破合子。取藥細研。約三十兩。別入。

胡椒末

草撥末各七兩 真赤石脂末三兩

好官桂心末六兩

附子及六錢已上者。炮去皮臍。取

末十二兩。以好法酒一斗。熬至三升。然後入附子末馬糊。和煎藥

右丸如雞頭肉大。留少酒膏。恐藥乾。候乾。輕病每服一椀。重病二粒至三粒。未飲湯下。空心食前溫酒鹽湯亦得。小兒吐瀉慢驚。研一椀米飲灌下。如有因冷陳寒。宜常久服。頗如病安。愈不得多服。如覺熱渴。即加木香桂末一錢。同和服之。趙丞相云。此方得之國醫李安仁。安仁云。此藥比之四神丹。尤為有造化也。

張氏家傳治小兒慢驚方

活大馬鬃一條。明麻短三伏者中使

蜈蚣直者一條。只

用上截半條。活死者皆可

右二味。用箴鏹一箇。盛在內。泥固濟。火燒存性。殺研細。用麝香薄荷米泔水。只作一服。立效。小兒量多少。如減。

治中風。及脚氣痺弱。不能轉側。兼治小兒慢驚。小續命湯

麻黃湯泡三次。焙乾

桂枝

甘草天各半兩

防風一分半

赤芍藥

白朮

人參

川芎

附子炮裂去皮臍

防己

黃芩各一分

右剉如麻豆大。每服五錢。以水一盞半。煎至一盞。去滓。取八分清汁。入生薑汁。再煎兩沸。溫服。日二服。夜二服。若柔虛自汗者。去麻黃。夏間。及病有熱者。減桂枝一半。冬及始春。去黃芩。

治小兒慢驚。虛風。羌活膏方

羌活

獨活

人參

茯苓

防風

官桂

乾蝦全

硫黃

水銀已上各半兩

麝香少許

右件八味。為末。後將硫黃於銚子內。鎔汁。入水銀。拌和勻。研為細末。再研細。鍊蜜為膏。每服皂子大。荆芥湯化下。

莊氏家傳治小兒驚風。有虛積。煥金丹

胡黃連末

青黛

蘆會

香墨並研各一錢

臟粉半錢 使君子末五箇 天漿子末三箇 麝香一字
右件為末同研如粉 鍊蜜為丸如雞頭大每服一丸 薄荷湯化下

孔氏家傳睡驚丸治慢驚風中有睡驚丸甚多此所犯之藥

白附子末 蟬殼末各批一錢 天麻末

未砂末 大附子炮裂去皮膽為末 青黛

天南星以白礬湯浸一宿焙乾為末 雄黃末

全蠍去尾毒為末各批半錢 麝香別研半字

右一十一味同研令勻入飛羅麵少許滴冷水為丸如米粒大每服一丸以薄荷湯磨破化下

礞石丸治陰癩有二等小兒小便澀則礞石丸入一分茯苓若小便不澀只一味礞石也

解小兒一切傷風及慢驚脾風膏方

天麻酒浸一宿切焙為末 人參末 川芎末各一分

乾蠍梢炒為末白僵蠶直者炒為末各三七箇龍腦各別研一字

麝香別研半錢

永樂大典卷九百八十

三十三

右件九味一處又勻煉蜜為膏每服半皂子大荆芥蔥湯化下神妙小兒慢驚脾風取涎

右用天南星不拘多少為末用竹瀝油調下喉涎自出

羌活膏治小兒胃虛生風變成陰癩憂齒肉蠕目溢饒騰又療傷風壯熱寒墮風熱鼻塞呵欠精神不爽

羌活 獨活 天麻 川芎

人參 茯苓各一分 乾家薄荷 直僵蠶炒各半兩

全蠍一分 防風一兩半

右為細末煉蜜和成膏每服一皂子大用荆芥乳香煎湯化下荆南太醫錢祐方

溫驚丸治小兒陰癩諸證方

天南星一箇炮香白芷如天南星多 京墨天南星三分

之一塊通 麝香少許

右為末糊丸作小餅如豆大薄荷湯化下丸了外以銀箔或金箔裹之

吉氏家傳治慢驚風牛黃膏

永樂大典

卷九八〇

牛黃半字
輕粉一錢

棘岡子七十箇去殼

生朱砂半錢

右末用棘岡子肉研為膏丸如芥子大每服三丸芥菜湯下
治小兒慢驚。鈍睡眼不開方

釣藤

防風去蘆各一錢

蟬殼半兩

蠟梢

朱砂各半錢

麻黃一分去節麝少許

右件末每服一字或半錢煎薄荷湯調下大小加減

治慢驚風喉內有涎辰砂散

蛇黃一箇火內煨醋泮用一錢為末

白雜糞

鼠屎

白丁香各一錢燒為末

右都入乳鉢內研勻每服半錢麝香湯調下三歲已上麝香酒調下

不過三服涎必下若涎不下難治

治慢驚風化涎牛黃散

牛黃二錢

朱砂

雄黃各一錢

天南星一箇水二

蓋生薑一塊搥碎同煮去薑

金銀箔各五片輕粉抄一錢已

麝香半字

右為細末每服一字薄荷湯調下

治吐瀉傳成慢驚醒脾散

厚朴一兩細剉用水一盞研砂一豆許同煮取出焙乾秤一錢

草果子一箇麩裏煨去皮及麩人參

茯苓各一錢

甘草天

陳皮去白各半錢

白豆蔻一箇

右末每服半錢冬瓜子煎湯調下棗湯亦得

陶善化傳治小兒慢驚方

右件用猫糞少許燒為末以麝少許米飲下

趙氏家傳治小兒慢驚萬安散方亦治慢脾方

全蠍七箇以薑自然汁浸好朱砂半錢別研

麻黃一錢揀細白者土薑自然汁浸

薄荷無生者以生

薑自然汁浸開每蠍一箇以薄荷七葉裏過以麻黃纏繫竹筋天

炙令黃色厚朴二錢去盡麩皮生薑自然汁製

白朮一錢用水七分一盞銀石器熬盡水片開焙乾

右各將製了為細末再入朱砂研細新生兒半錢周時已上一錢量

兒大小加減日三服並用金銀薄荷湯下

安師治小兒慢驚風藥方

右先研臘茶一錢。入生腦子半錢。以湯煎八分一盞。用鐵杓一枚。盛定。將蛇黃一箇。於火邊預放。候炙極熱。入杓內。茶中淬再三。至茶盡。碾為細末。金銀薄荷湯調下。一歲以下半字。一歲以上一字。

長沙醫者丁時發傳治脾風方并歌

孩兒驚火積。涎生傳入脾家。事不輕。忽發如雷風雨勢。去涎方可得。

安寧

粉霜丸。慢驚用銀粉須審用。

粉霜

真珠末各半

朱砂

半夏薑汁浸各一分

白附子一箇。炒。蠍十四箇。全者。水銀一分。炒。腦麝各少許。

治慢驚方

右件為末。蒸餅心為丸。如荀子大。每服三丸。淡薑湯吞下。大小加減。

夜啼多熱無精彩。口沫涎生病不消。除病莫過靈藥治。睡驚九子鎮三焦。

睡驚丸

青黛三錢

僵蠶

乳香

天南星各半錢

水藥大典卷九百八十

三十五

蠍十四箇

腦砂

蘆會各一錢半。使君子七箇。

輕粉

朱砂各一錢

龍腦薄荷一分。京墨少許。

巴豆三箇

腦麝各少許

右件為末。蜜丸。看大小。金銀煎湯化下。

長沙醫者丘松年傳醒脾散。治小兒慢驚脾困。及大患後。全不進乳食。

大天南星一兩。每一各剉作五六塊。用生薑一兩切作片。厚朴一兩剉碎。去土薑只用南星。薄切焙乾。

兩剉碎。去土薑只用南星。薄切焙乾。

冬瓜子一百二十粒。

粒。鄭愈方用三十粒。

白茯苓半兩

右為細末。每服一錢。水半盞。生薑一片。煎三分溫服。或用蟬殼煎湯調下亦得。

長沙醫者李剛中傳治小兒因虛陰證慢驚。或慢脾風藥方

附子一箇。重六錢。已上或六分者方可用。頂心剉一竅。入硃砂半

錢。在竅中。復以附子末填竅合。青。不去皮。臍。於淨地上取一竅。如

附子大。入附子在地竅中。以上茶實。上以灰火一椀許蓋之。次以

炭火三五莖。於灰火上盤旋。間量附子得熟為度。候地冷。方取出

附子去皮。同硃砂一處為細末。防風一錢半。為末。

全蠍為木 白僵蠶直者。去絲土。乾炒為末。香谷四十九箇。

明淨乳香一錢半。別研為末。

右六味細末。和合作一處。入乳鉢中。細細研極勻。周歲已下。服半平錢。半歲已下。嬰孩服一字。周歲已上者。服半平錢已上。或一小平錢。量輕重。加減與服。並用乳香湯調下。

長沙醫者鄭愈傳安心丸。治小兒慢驚方。

附子一兩炮裂去皮臍 全蠍半兩炒

右件為末。麵糊為丸。如黃米大。朱砂為衣。每服二十丸。米飲下。

治小兒慢驚方。

附子炮去皮臍 白附子生 全蠍炙熟各一箇

蜈蚣一條炙熟

石件為末。用麻黃不計多少。去節為末。酒煮麻黃成膏。和藥為丸。如雞頭大。一歲一丸。二歲二丸。用溫酒化下。

治小兒慢驚風。睡紅散方。

赤脚蜈蚣一條去足

心知指頭大兩塊

蔓陀羅子一箇 天南星二箇 只取乳香一塊 如指頭大。

土狗子去頭足 全蠍各七箇 朱砂一錢 腦麝各少許

右件為末。每服一大錢。分二百脈。用金銀薄荷湯調下。

救生散。治小兒吐痢。或慢驚風方。

全蠍七箇 用薄荷七葉 逐箇裏子。以生薑自然汁浸麻黃七條。候

稍乾。繫葉上半上。夾令其黃色。白木空窠。炙黃。一錢。

厚朴一片 用草三寸。水一盞。煮七沸。取厚朴一錢。

人參 附子炮去皮臍 各一錢

右件為末。每服半錢。至一錢。煎青水。茄湯調下。或蜜丸。如黃米大。飲

湯下。

治小兒慢驚風。虛風湯方。

黑附子炮去皮臍

天南星大者 生去皮各一箇

白附子七箇

石件為末。每服半錢。水一盞。入蠍稍一箇。同煎至六分。微熱服。已上

卽端。天全嬰方。神寶丹。治小兒。或先吐後瀉。或先瀉後吐。或只吐不瀉。或

吐瀉俱發之後。變成慢驚者。

附子米泔水一盞。薑半兩研。浸三日。次日同蛤粉炒製。去皮臍半兩。羌活 朱砂 蠍尾 麝香

乳香各一分。南星兩箇。各重半兩。去皮臍。剉蒜子片。酸漿一椀。薑一分。切片子。煮酸漿盡。去薑。焙乾半兩。牛膽中。南星尤妙。

石為末。煉蜜丸如雞頭大。三歲者半丸。薄荷湯化下。小可驚瀉。使青。暖痰。與少許立效。如小兒只吐不瀉。發驚。急以紫花重瀉五七行。後與此藥。並食前。或以珍珠光下之亦得。

辰砂丸。治小兒慢驚。風搐。及天癇。癩病。

蠍尾二十一箇。半黃。

麝香各半兩。附子三箇尖。

雄黃少許。朱砂一錢。

巴豆七箇。好者。燈上燒皮焦黃。去皮用肉。

石為末。寒食日蒸餅。為丸如小豆大。一歲一丸。荆芥湯下。水被蓋。少時汗出。如天癇。搐搦。間口不得者。使用蒜入鹽同搗。塗藥一丸。在兒後心上。以前蒜作餅蓋之。以帛係定。後更服一丸。化破。入麝香少許。以前湯下。覺口內蒜氣。渾身汗出者。立效。須是端午日。合。忌雞犬。婦人見。

水藥大典卷八百八十

三十七

交泰丹。治小兒因吐瀉之後。變成慢驚。累服熱藥。上熱下冷。涎鳴氣急。脈象雖多。止在膈上。不入中下。此藥治虛陽潮上。發搐未去。

黑鉛一兩 硫黃 水銀各二錢 天漿子二十一箇

蜈蚣一條 朱砂 附子炮去皮臍 鐵艷粉各二錢

全蠍 蛇肉酒浸去骨各一錢 麝香

槐柳枝各二寸。細剉。同鉛入匙子。炭火上煨。剉荷槐柳枝各一盞。

不任手打。旋入磁筒。次入水銀。煎為沙。子為度。地上出火氣。

右為末。薑汁煮糊。丸如小豆大。三歲三丸。米飲湯送下。食前如病勢

速。煉蜜為丸如雞頭大。一丸。薄荷湯化下。本法作丸。子鎮墜。

安神膏。治小兒心虛多驚。恍惚不寧。腹痛使青。并吐瀉之後。欲生慢驚。

朱砂二錢 全蠍 人參 白茯苓

天麻 附子炮 川芎 乳香各一錢

麝香一字 罌子半錢 又一方加琥珀

右為末。煉蜜丸如雞頭大。三歲一丸。薄荷湯下。

丙丁膏。治小兒吐瀉之後。精神倦怠。多睡不省。不思乳食。四肢逆冷。啼如鴉聲。咽喉不利。丙日作麵。丁日合藥。

永樂大典

卷九八〇

南星 烏蛇酒浸取肉焙各三分 天麻
麻黃去節 附子炮各半兩 白附子三錢 半蠟一分

僵蠶四錢

右為末。水一升。浸三日。寒食日。麴一升。和拌踏作麴。楮葉卷七日。取出紙袋高掛半月。日可用。每麴一兩。朱砂一錢。麝香一字。並為末。煉蜜尤如雞頭大。三歲一丸。薄荷湯化下。

竹瀝膏。治小兒久患脾虛發搐。慢驚潮歌。

附子炮一錢 厚朴薑汁浸一夕焙乾

白朮蜜炒各一分

麻黃去節炒半錢

全蠟二十七箇薄荷汁浸一夕焙炒

犀角屑一錢 煨乾

右為末。竹瀝為丸如雞頭大。三歲一丸。薄荷湯化下。無時清脾飲。治小兒因吐瀉。多困不醒。欲生風候。

人參

白附子

南星炮

半夏炮七次

全蠟

僵蠶

白朮

川芎

羌活

甘草已上各等分

右為飲子。三歲一錢。水半盞。薑三片。冬瓜子仁三七粒。煎三分去滓。

永樂大典卷九百八十

三十六

無時

一醉膏。治小兒慢驚潮搐。神昏不得睡。亦治大病後。及擒捉。風涎流滯。手足不隨。

乳香二錢

天麻二錢

麝香一字

安息香

全蠟

蜈蚣各二錢

附子炮

麻黃去節

酸棗仁炒去皮各四錢

右為末。法酒同蜜熬熟。為丸如雞頭大。三歲一丸。酒化下。盡醉灌之。得睡是驚效。

天王散。治小兒吐瀉。或誤服冷藥。脾虛生風。成慢驚。

南星一箇重八九錢已上

右取地坑子深三寸。炭火五斤燒通赤。入好酒半盞。然後以入南星。却用炭三兩條蓋却坑子。候南星微裂。取出剉碎。再炒熟。為末。用半兩天麻末一錢。麝香一字和拌。三歲半錢。生薑防風湯調下。亦治久驚。慈心可食。

李恆小兒保生要方治小兒發癩。屬陰證方。

黑附子一箇六錢已上者生去皮燻

生天南星二錢

半夏二錢冷水浸洗七遍 白附子一錢半朱砂二錢別研
麝香一錢別研

又治陰癩方
右六味同研勻。每服一字。薄荷煎湯調下。量兒大小加減

大附子。生去皮臍為細末。每用二錢。以水一盞半。生薑三片。同煎至
半盞。分為三兩服。量兒大小加減。吐者。入丁香五粒同煎。乳空時。臍
傍侯家藏方加減。定命丹。治小兒慢驚。癩瘕。目睛斜視。身體強硬。昏塞如
醉。及治胎風成癩。發歇不定。在著經時

膽酥酒浸一宿 牛黃別研 朱砂別研 甘草炙黃
胡黃連 麝香別研 使君子肉 犀角屑

當歸洗焙 天麻 細松烟墨燒灰烟盡地上出火毒
羌活去蘆頭已上十二味各一字 全蠍二枚去毒微炒

棘剛子五枚去殼取毒微炒 半夏湯浸洗七遍 附子炮去皮臍
天南星十個製者 烏蛇酒浸一宿取肉天乾 乾薑炮 丁香
沉香 肉桂去蘆皮 人參去蘆頭 白茯苓去皮

永樂大典卷九百八十

三十九

肉豆蔻炮裂煨熟 白朮已上十三味各一錢

右件為細末。煮粟米粥和丸如黍米大。青黛為衣。每服一十九。荆芥
湯送下。不拘時候

麝香六神膏。治小兒慢驚潮作。口噤不語。手足癩瘕。發歇無時

麝香一字細研 白花蛇頭一枚酒浸一宿 烏蛇尾五十酒浸
一宿 全蠍七枚去毒炒焦 蜈蚣一條塗酥炙焦

棘剛子七枚去殼取毒微炒 右件為細末。煉蜜為丸。每一兩作四十九。每服一丸。煎人參麻黃湯
化下。不拘時候

麝香餅子。治小兒吐瀉之後。內虛生風。已成慢驚。涎潮搐搦。頭項反折。神
情昏困

全蠍二十一枚。每一枚用薄荷二葉裹定。先以土薑汁浸軟。黃麻
透枚以黃麻纏定。却蘸薑汁。於慢火上炙令麻黃色。人參薑汁吞
如此三。遍焙乾用 乳香別研 朱砂別研

雄黃別研 白花蛇酒浸取肉焙乾 天南星炮裂。入生
薑汁內浸一宿。切焙乾 烏蛇尾酒浸取肉焙乾

白僵蠶以去絲鬚 附子一枚炮去皮臍尖取末已上

八味各三錢 麝香半錢別研
右件為細末。次入研者藥和勻。別用天南星末一兩。調生薑汁糞糊與前藥和。尤如梧桐子。捏作餅子。略見日色。陰乾。每服一餅子。煎荆芥湯化下。不拘時候。

五銖散。治小兒慢驚風。口噤不語。乍靜乍發。昏塞如醉。

人參去蘆頭 白茯苓去皮 青黛別研 地龍去土炒

白附子炮 全蠍去毒炒已上六味各半兩 天南星一兩炮裂

附子炮去皮臍二兩 蜈蚣一條炙黃麝香別研

乳香別研各半錢 古文錢一錢大炙醋淬直候破碎

研細

右件為細末。每服半錢。用蜜和成膏子。以生薑汁并酒兩三點同調下。不拘時候。

香蠶散。治小兒慢驚涎盛。口噤昏塞。頂背強直。手足搐搦。進退不定。睡時多驚。

白附子一兩炮 天麻

全蠍去毒微炒 白僵蠶炒去絲鬚

永樂大典卷九百八十

四十

天南星炮裂 人參去蘆頭

附子炮去皮臍各二錢

甘草炙黃

朱砂別研

釣藤各一錢

腦子一字別研

麝香一字別研

右件為細末。半歲兒每服一字。一歲兒服半錢。煎荆芥湯調下。不拘時候。

雀窠散。治小兒慢驚潮搐。口眼相引。目睛上視。頭項偃折。痰涎壅閉。神志昏憤。

棘剛子十枚取毒微炒

全蠍三十枚去毒炒

蓖麻子二十枚去皮研

石榴一枚大者去却去盛前三味

藥在內。用黃泥裹作餅。慢火炙乾燒赤。候氣透出。活熟候冷取出。

去泥細研。次入後藥 白僵蠶炒去絲鬚

天南星炮 半夏湯洗七遍去滑

白附子炮四味各

一分 乳香一錢別研

右件後四味為細末。次入乳香并燒者藥同研勻。半歲兒每服一字。一歲兒服半錢。煎荆芥湯入酒兩三點。同調下。不拘時候。

截驚散。治小兒慢驚潮搐。目睛斜視。口眼牽引。牙關緊急。胎風胎癇。悉皆

治之

烏蛇頭一杖酒浸焙乾

蜈蚣一條塗酥炙焦

全蠍一錢去毒微炒

川烏頭一分炮去皮臍

麻黃去根節秤一錢

麝香半錢別研

右件為細末。次入麝香研勻。半歲兒每服一字。周脾兒服半錢。煎荆芥湯調下。不拘時候。

蠅附散。治小兒吐瀉日久。或大病後生風。時發搐搦。目睛斜視。手足痲痺。胃悶昏塞。身體強硬。角弓反張。

天南星一枚重二兩者從碎 附子一枚重七錢者從破

已上二味。用生薑四兩取汁入好酒一盞。於銀石器中同煮令汁盡。

焙乾為末

白附子七枚炮裂

全蠍去毒七枚微炒

辰砂半兩別研代赭石二兩火煨研細

右件為細末。入腦子麝香各一錢研勻。每服一字。用酸漿水半盞。入麻油兩滴。冬瓜子三粒。同煎三五沸。放冷約一茶腳許調服。候少時再服一服。如無漿水并冬瓜子。只用薄荷湯調亦得。不拘時候。

永樂大典卷九百八十

四十一

夏子益衛生十全方治小兒慢驚風。心神煩燥。多驚多痰。

白附子炮

天麻炮

乾蠍炒

人參已上各一分

為末

牛黃

膩粉

真麝

右家為末。煎棗湯調下半錢。

湯氏望嬰孩妙訣治慢驚

真川烏一枚土去皮臍

全蠍等分

右二件吹咀。分二服。水二盞。生薑四十片。煎至半盞。旋滴口中。

又方用驗

赤脚蜈蚣一條頭尾全者酒塗天

白僵蠶七枚炒

辰砂一字別研全蠍七箇頭尾全者。各用生薄荷葉包裏外以麻

絲繫定。火上炙青州白丸子三十粒研細 麝香少許別研

右末煎人參麥門冬湯調。急驚加腦子。牛黃各少許。煎金銀薄荷湯

調

續經驗治法。前件藥如俱用不効。危因可憂。須診太衝脉未絕。在兩足面

間當灸百會。取前後髮際兩耳尖折中。乃是穴也。方書所載。但云頂上旋

毛中。殊不審有雙頂者。又有毛旋不正者。膚膚之輩。只循習舊本。誤人多

永樂大典

卷九八〇

矣。交後即當控涎青州白丸子末。再煎如稀糊。入蜜令熱調奪命散。良久涎下。細研靈砂。米飲調。旋抹口中。如漸有退證。風盛服八仙散。昏困服醒脾散。常令減乳。好子服釀乳藥。如此調理。無不更生。間有稟受不堅。本氣素弱。五行修短。雖有神聖工巧。靈丹妙劑。不能奪其造化。此乃曉然之理。學者不可不審。若涎已離隔。但在喉中如蟻。藥不能入。又不可控。當刺法捺之。然指鼻宜速得出。次服奪命散。庶危再朝。

奪命散

川烏尖

附子尖各七箇。土去皮用。

蠍梢七枚

石綠少許

右末一處和勻。用軟雞翅上藥入喉中。逐旋惹出。頻用帕子拭之。

王璆百一選方。韶州醫者劉從周論小兒吐瀉發搐。覺有痰者。但服五苓散。入生薑半夏煎服。吐了痰瀉亦止。驚自退。林謙之祭酒云。

治小兒慢驚。青金丸

用青州白丸子。金液丹。等分同研為細末。麩糊丸如黍米大。量兒大小。服二十九。至三十九。薑湯下。

又方

永樂大典卷九百八十

四十二

正坐大附子去皮臍。生為細末。以白項蚯蚓。令於藥末內。候定。刮蚯蚓上附子為丸。如黃豆大。每服十丸。溫米飲下。

治小兒因吐瀉。胃虛生風。作驚癇狀。曾用極妙。

右白朮二分。蜜炙至焦。須木灰火。取出水淨洗。切片焙之。入蠍梢三七箇。天麻白附子各一分。共為末。米飲湯調下。

治小兒慢驚。百藥不効者。葛丞相方。

大川烏頭。去皮臍。土用。

全蠍等分

右吹咀。每服半兩。水兩大盞。生薑五十片。煎至三四分。去滓。逐旋以藥注灌之。

十便良方。小天南星丸。治小兒慢驚風。江陽方。

天南星一兩。細剉。水二盞。微火熬至半盞。去滓。重熬成膏。和藥。

白附子半兩。天麻一兩。乾蠍一兩。

右為散。入膏內。和丸如菜豆大。三四歲兒服二丸。薄荷湯下。五六歲三丸。日二。量兒大小。加減與服。

魏氏家藏方。安心丸。治小兒慢驚。長沙醫者鄭愈傳。

附子一兩。炮去皮臍。

全蠍半兩。炒去毒。

右件為米。麩糊丸如黃米大。米砂為衣。每服二十丸。米飲下。截風土胃湯。治小兒稟受氣弱。臟腑泄瀉。乳如不化。或瀉清水。此乃驚證之漸也。宜急服神妙。

大天南星一箇。酒半兩。已上重者。慢火炮熟細剉。

好人參不拘多少。焙乾細剉。

右二味各一錢。水一盞。生薑二小片。大棗一枚。冬瓜子仁十四粒。慢火同煎。取濃汁。注小兒灌下。每服作三兩次。喫。仍先嘗過。恐生麻兒口。

麩香散。治小兒慢驚。皆因吐瀉所致。若大吐數日不止。使作驚候。急服此藥。即可止吐。

赤麩

藿香各半兩。去土。

丁香。不見火。

肉豆蔻。麩。各二錢。

右為細末。每服一錢。一歲嬰孩半錢。煎香楠木湯調下。香楠木定驚止吐。神妙不可言。

星香散。治小兒吐。或兼瀉。或獨瀉。服前藥未効。急服此藥。既止吐瀉。又能截驚。

永樂大典卷九百十

四三

大天南星。藿香葉。同生薑。等分。約半兩。用水一大椀。煎乾。取出。獨取天南星為末。去藿香葉。生薑不用。量小兒大小。每服一錢。入冬瓜子少許。同煎一盞。至半盞。天南星須是極大半兩。已上者尤佳。

蠟附散。治小兒吐瀉。既久。用前二藥不効。已成驚證。手足搐搦。口眼牽邪。急服此藥。止八九。一日之間。須數服。為妙。

全蠟七箇。用龍腦。犀角。麝。黃麻。縛之。酒浸。炙乾。去黃麻。薄荷不用。

人參。去蘆。一錢。茶送。

白朮。一錢。蜜炙黃。

附子。六錢。重者去皮。臍取一錢。用。

梓朴。五錢。甘草。水。

黃芩。乾取一錢。甘草不用。

右為末。竹茹煎湯調下。半錢。立効。如急驚。切不可服。須審證可也。

安全散。專治慢驚。後餘證未退。精神不爽。與第三第四藥相間。日一服。凡此五藥。隨證用之。病者無不全安。

人參。去蘆。一錢。焙。

白朮。炒。

白附子。炮。

南星。薑汁一椀。黃乾切片炒。

天麻。炮。

辰砂。細研。

當歸。焙去蘆。乳香。剉研。

沒藥。剉研。

芎藭。鈎子者。焙。

白僵蠶。直者。炒去絲。

全蠟。去毒。

白茯苓。去皮。焙。

羌活焙
麝香半錢

防風去蘆焙
川芎焙

甘草炙各一兩

右並秤淨藥為細末。每服一錢。水一小盞。薄荷生薑棗子煎至六分。或只用薄荷湯調下。

蠟附散。醒脾去虛風。張氏家傳

大附子一錢炮去毒 天麻二錢

大全蠟七箇

大白附子三箇炮

右仲為末。每服半錢。薄煎冬瓜子湯調下。
楊仁齋直指方太一保生丹。治慢驚。尚有陽證。

全蠟青者十四箇

白附子生

直僵蠶

牛膽南星

琥珀各二錢

麝香半錢

防風

朱砂各一錢

右為末。粟米糊丸如桐子。金薄衣。每服一丸。薄荷湯調下。

聚寶丹方。傳慢驚可用。

人參

茯神

琥珀

天麻

直僵蠶炒

防風

南星炮

白附子

蠟炙

烏蛇肉酒浸焙各一錢

朱砂半錢

永樂大典卷九百八十

四百

麝香少許

右為末。煉蜜丸桐子大。每服一丸。菖蒲湯調下。

蟬蠟散治方。傳慢驚。

全蠟七箇去尾尖

蟬殼二十一箇甘草二錢半炙

大天南星一箇炮香

右為末。每服半錢。薑棗煎服。

未復丹。升降陰陽。疎風利痰。方九前。

王氏惺惺散。治吐瀉脾困內虛。

人參

茯苓

木香

天麻

白僵蠶製

陳米炒

全蠟

右等分為末。每服半錢。薑棗煎服。

醒脾散。治吐瀉脾困不食。

全蠟焙半錢 白附子炮

天麻焙

甘草炙

人參

白茯苓

石菖蒲細節者木香

石蓮肉

白朮各一錢

右為末。每服三字。薑棗煎服。有熱者去木香。

大醒脾散

南星

白茯苓

橘紅各一分

全蠍焙

甘草炒

白附子炮

石蓮子

人參

木香各半分

陳倉米二百粒

右為末。每服三字。薑棗煎服。驅風醒脾。兩方通用。亦可釀乳。小兒胃虛不消乳食。尤須節約。

溫白朮。驅風豁痰。

人參

防風

白附子土

五倍蠶

全蠍各焙並一錢

南星並七次焙乾

天麻各二錢

右為末。飛白麵糊。无桐子。大每服一丸。薑湯調下。

星香全蠍散。治慢驚風。昏迷痰搐。

南星濕紙煨二錢

木香

人參

橘紅各一錢 全蠍夫三箇

甘草炙半錢

右剉細。每服一錢。入紫蘇薑棗濃煎。旋以匙送下。有熱加防風。定命飲。治慢驚吐瀉困重。欲傳慢脾通用。

永樂大典卷九百八十

四十五

圓白半夏土

茯苓

木香

老土薑切各一分

白朮

甘草炙各半分

右為末。每服半錢。薑棗煎湯調下。

四聖散。治慢驚痰滯虛熱。若有窠視。搐搦證狀。以少許用管吹入鼻中。

全蠍七箇

直僵蠶十四箇

大南星七錢 半真川烏三錢 三字並生用

右將南星為末。水調作餅。裹蠶蠍川烏。外用濕紙重包。慢火灰中煨令赤色。頓地上一伏時為末。每服一字。煎金銀湯。點好茶清。少許調下。

烏蠍四君子湯

四君子湯加川烏為生。全蠍焙為末。各少許。每服半錢。薑棗煎服。如再服。即去川烏。

南星散。驅風豁痰。

南星重八九錢以上者。用一箇。就地上作小坑。深七八寸。用大炭

五斤。燒通紅。以好米醋半盞。灑入坑中。即納南星於內。次以火炭條。密蓋之。又用盆蓋其上。一伏時。取出洗淨切焙。

永樂大典

卷九八〇

烏沉湯。慢驚。驅風助胃。右為末。入琥珀全蠍末各一錢。每服半錢。煎生薑防風湯調下。

天麻二錢 人參 真川烏土 全蠍焙
南星炮 木香 沉香各一錢 甘草炒半錢

右刺散。每服三字。薑三片。慢火煎取其半與之。沉香散。生胃氣。止吐瀉。

茯苓二錢 沉香 丁香 木香
藿香 川厚朴製 甘草炙一錢

右為末。每服一字。米飲調下。天南星丸。治慢驚痰壅。惟身熱者可服。

南星一斤。每重一兩上下者。用溫湯浸洗。刮去裏外浮皮。并逐軟處合淨。用法酒浸一宿。用桑柴蒸不住添熱湯。令釜滿。既內氣極。更不住濕酒。常令藥潤七伏時。滿取出。用銅刀子切開一箇大者。將少許不麻舌為熱。未即再炊。候熟用銅刀切細焙乾。
麝香研 丁香各一兩 龍腦研一兩半 辰砂別研水飛二兩用一半為水

永樂大典卷九百八十

四十六

右為細末。入研藥勻。煉蜜并酒圓。朱砂為衣。每服一豆許。生薑煎湯調下。

蘇合香丸一倍。方見諸藥類。白丸子二倍。方見痰厥類。和每服半錢。薑湯調下。

礞石散。最能利痰。急慢脾風通用。青礞石炮碎一兩 煅硝半兩。同礞石入甘銅內。用定

右為末。雪糕薄糊丸。綠豆大。每服二丸。急風薄荷刺芥泡湯調下。慢風。慢脾風。用南木香煎湯調下。礞石煅硝。古文錢。雖能利痰。然其性非胃家所好。須以木香佐之。

靈脂丸。治慢驚。痰盛搐搦。五靈脂香潤者白附子各炮 木香 直僵蠶炒各一分

全蠍焙半分 朱砂一錢 大南星炮炙炮半兩
右為末。米醋煮生半夏糊為丸。麻子大。每服三丸。薑湯送下。

香餅子。治慢驚初傳。涎潮昏搐。全蠍十四箇。薑十片 麻黃炮。西使。火炙乾。又麻黃十人

夫凡三次 花蛇肉

烏蛇肉並酒洗焙

白附子焙 人參

直僵蠶炒各一分 天麻 防風各一錢 乳香半錢 麝一字

右為末。用南星末煮糊。尤桐子大。捏作餅。日乾。每服一餅。薄薑湯調下。

蟾散。治慢驚。身熱痰滯。 大乾蟾一箇酥塗炙黃 直僵蠶 蟬殼

蝦尾各焙 白附子微炮 五聖脂 蘆會

琥珀各一分 朱砂一錢 麝半錢 右為末。每服半錢。防風煎湯調下。 快脾湯。治慢驚。脾困不食。和胃驅風。

大南星一箇。剉如棋子塊。用生薑一兩切。川厚朴一兩剉碎。水三升。同煮。令南星透。去薑朴。只用南星切焙。 木香 人參 天麻各二錢半 全蠍七箇焙

右為末。每服半錢。甘草生薑煎湯調下。 衛生家寶。蟬蛻飲。治小兒吐利後。藏虛慢驚。手足時瘳。多睡。眼上視。乳

永樂大典卷八百八十

四十七

食不進

釣藤鉤子三分 川芎 白僵蠶去背炒蟬蛻去足各半兩

蛇皮炙 甘草炙各一分 蛻蝦五枚炙頭翅足 右為末。每服二錢。水一盞。煎至六分。去滓。溫分三服。急驚有熱。證去附子不用。

演山省翁活幼口議保命丹。治嬰孩小兒。急驚風候。傳慢驚。宜服保命丹良方。

白茯苓 朱砂令研 白附子炮 牛黃如無以梨者

加用之 天南星炮各一錢 全蠍炒半兩 天麻炒一錢半 甘草炙一錢 鵬砂一錢 腦子 麝各半字

右為末。和勻。薄糊為丸。雞頭大。每服一丸。金銀薄荷湯化下。 議曰。此一方。已述靈秘。所治急傳慢候。用之極良。其藥純和。却驚安神。化痰定搐。功效非常。然急驚傳來。初入慢候。須較陰陽。斷益乃為法則。陰盛陽斷。方謂陰癇。策虛衛弱。方傳陰癇。心驚神散。方傳熱。熱經柔。

絡筋。方傳熱。熱癩之為病。四體不收。精神失守。百病干邪。五臟受虛。但隨四證。而作八候。醫工當察標本理之若也。證傳候變。即入慢脾。十死一生。至為難事。請究所受。療理越於古意。或太過不及。總為虛設。

觀音全嗽散。治嬰孩小兒因吐而傳慢驚風候。

黃耆一分 人參一分 木香一錢 炙甘草

石蓮肉炒 稿豆炒 白茯苓各一錢 白芷

全蠍 防風 羌活各一錢 天麻二錢

右為末。每服半錢一錢。棗子半箇。水一小盞。煎至半與服。不拘時候。慢脾尤宜服之。議曰。觀音散東漢王氏所著。調理嬰孩。清神固氣。補虛益脉。開胃止吐。醇乎醇善之善者耶。所緣用藥截風者何。正於危急之際。却作兩劑投之。先與生其胃氣。次服截風定癩如此療理。不惟迂曲致緩。又且未能藥入脾胃之間。悟其至理。兩劑一行。或加白朮子末。以半和之。乃盡其妙。

犀角散。治嬰孩小兒因吐瀉神困力乏。欲傳作慢驚風候。

犀角鎊一錢 白朮二錢 水煎過 甘草半錢 炙

陳皮 舊者良。去白一分

右為末。每服一錢。水小中盞。金銀薄荷同煎三五沸。通口無時。議曰。此方治小兒因吐瀉神困力乏。欲發慢脾風候。正謂救急。不可令緩。若已傳受。即風即熱。即痰。即驚。交相致作。神散不定。上竅播擲。悉由脾虛之所致也。脾經既虛。次第胃虛。其藥白朮陳皮。預理脾胃。犀角退熱去風。然既不作。痰無發生。醒脾壯胃。風何得有。漸見魁省。兼與醒脾散。及既濟丹相間服。一向取愈為良。其方全不用逐風化痰之藥者。蓋是證候欲作慢驚。所以未宜先投緊藥。故用此方。謂之和劑。一正其脾氣。得無傳變。不勞療理。簡徑微媿。稽首智者作之。施功利益而已。

醒脾散。治嬰孩小兒吐瀉不止。痰作驚風。脾困昏沉。默默不食。

人參一分 木香炮一錢 白茯苓一錢 白朮炒一錢

全蠍炒半錢 甘草炙一分 白僵蠶炒一錢 白附子炮一錢

天麻炒一錢

右為末。每服半錢。大者加服。水少許。棗子同煎。至五七沸。通口無時服。議曰。此良方。最為勝善。小兒吐瀉脾虛。作疾驚風。神困氣弱。沉

沉默。皆脾經虛乏已盛。風痰併聚。故兩不醒。宜多與服。仍加既濟丹。及觀音全蝎散俱良。其疾復有引掣搐搦。無與驚風丸散。及腦麝寒涼等藥。其證愈惡。其候愈盛。不惟驚風未退。且痰熱助之。令兒痰作傳變。傳即慢脾。變即陰逆。慢脾猶載方藥。尚可理之。陰逆之候。何可醫治。陰逆者。陰謂陽氣欲絕。逆謂受證不順。不順欲絕。但增吁嗟。使人無所措手。醒脾良方。豈可隱匿。其所謂活人飲子。

神保既濟丹。治嬰孩小兒吐瀉。或已作風候。服之功效。

礞黃

煅消

陳橘皮

青橘皮 生去白

五靈脂 川者良 半夏 麩炙炒皆可

以上等分。礞消二味和研令勻。一處用磁器銕汁。傾出候冷細研。旋

入諸藥和勻

右為末。林米粉水糞糊為丸如。大。每二歲兒服三十丸。大者加之。並溫飯飲下。空心食前。此方均分陰陽二氣。多服有益。議曰。陰陽二氣不均。冷熱相制。驚風已作。搐搦已定。或陽虧陰盛。或陰虧陽盛。或驚風未散。吐瀉不止。或嘔逆。或發喘。或脚手漸冷。或眼目欲合。或服涼藥太多。或虛煩不定。或沉沉默默不省。或恍惚惚主驚。但胃

永樂大典卷九百八十

四十九

氣未脫。速與服之。若是危急。不待作丸。只以末溫飯飲調與服。以愈為度。若脚手冰冷者。服之立溫。未止者。服之立止。雖慢驚。慢脾風候。並宜與服。仍加薄荷湯使尤良。智者明理。必加欵重。愚者蒙昧。必悻猶預。此方至良。少有知用。請敬而行之。

定命飲。治嬰孩小兒吐瀉。脾胃虛弱。發作慢驚風候。搐搦不已。醫工裁風不止。取痰不下。散熱不退。即驚不去。其證欲傳慢脾風候。宜服定命飲子。

半夏 林 羊眼者 半分

天麻 一分

甘草 又

白茯苓

白木

老生薑 各二錢

石件一處。用水一盞。於磁器內煮令水乾。將半夏天麻白木茯苓切培為細末。每服半錢。或一錢。生薑棗子湯調與服。無時。議曰。此方建脾化痰。去風散熱。功效如神。醫工少有知用。初學之士。只知有腦麝香麝者方用之。俗夫便言好藥。殊不知腦麝。醫家出不得已用之。其物通利開竅。開閉塞。疎腠理。利骨節。其藥屬陰。能化於陽。只有急驚宜用。慢驚慢脾傷寒等症。悉宜禁止。其或疳痢藥用之。虛者亦禁。惟有痲瘋癩宜用定命飲子屢經效驗。野老處定此方。其功造化。

永樂大典

卷九八〇

深智高明。往往欽羨。疾物連併。脉息虛怯。不敢頓下者。宜與靈芝。元若手足差冷。兼進回陽。行醫用藥。至於此等證候。乃主治活法之權也。

既奇野夫多效方神效方。治小兒慢驚風。手足搐搦。諸藥不效。

大天南星一角

右用好酒一大盞。碗內浸四十九日。取出。後用活蝎四十九箇。用竹笑子夾定。教蝎獨螫天南星。令蝎無力動。便換一箇蝎。又換。用四十九箇。蝎都螫遍天南星。不用蝎。將南星別乾。碗內放定。上用紙數重封定。碗口用綿緊定。放碗在屋梁上。陰多時。約自然乾。取下。不得見日氣。研為細末。每服一字。或半錢。煎荊芥湯調下。一日三服。不拘時候。必效。

御藥院方三味天漿子散。治小兒慢驚風。

天漿子

白僵蠶炒

乾蝎各二十箇炒

右為細末。每服一字。煎麻黃湯調下。或薄荷湯下。無時。

通聖餅子。治小兒慢驚風。涎多。咽喉不利。手足搐搦。

天麻

使君子去皮

白僵蠶炒

白附子炮

永樂大典卷九百八十

五十

南星炮各一分

青黛

蝎稍炒

膩粉

水銀各一錢

黑鉛半錢與水銀結炒子

無食子一對去皮

麝香

腦子各半錢

右為細末。麵糊為丸。如梧桐子大。捏作餅子。每服一餅子。用薄荷湯化下。食前臨睡服。量兒大小加減。

乾蝎天麻散。治小兒慢驚風。

乾蝎全者十枚炒

蔓陀羅花七朵重一字

天麻二錢半

天南星炮

丹砂研各一分

右六味搗研為細末。每服半錢匕。薄荷湯下。不拘時。

釋繼洪澹寮方慢驚。小兒吐瀉後成慢驚。或昏睡。手足似搐而不甚。用金

液丹半兩。青州白丸子三錢重。同研極細。生薑米飲湯調下三錢。多服乃效。服至一二兩無害。候胃氣生。手足漸溫。漸減金液丹。加白丸子。以意度

之。

續刊經驗良方茅蝎散。治小兒腦髓風。顛顛開解。皮肉筋脉急脹。骨縫青筋起。面少血色。或腹中氣響。時大便青白沫。或嘔吐痰涎。欲成慢驚。風搐足脛冷者。或大令氣上衝。頭面腫痛。亦宜服之。

川芎

蠲稍一錢

革撥各一兩

細辛去蘆苗淨一兩

半夏湯泡去皮將二錢半淨生薑自然汁製一宿

右研為細末。每用一斗沸湯調。熱服。量大小加減。

曾世榮活幼心書治吐瀉痢後。將慢驚。慢脾。神昏脉弱。飲食不進。睡露

揚睛。晝輕夜重。急宜投服。

北南星一兩剉破。无器盛。米壁上同醋炙少時。漉乾切片焙

人參去蘆

冬瓜子仁拍碎二味各二兩

右件以咀。每服二錢水一盞半薑三片。慢火煎七分。候溫無時。少與

暖服。投之急必吐。此後應諸湯散丸劑。所述服餌次序。不過言其大

畧。然煎煮調化。分數湯使下法。尤在臨機量兒大小。以意加減。或

或少。隨病輕重用之。餘皆倣此。再不繁引。

危亦林得效方慢驚風證。得於大病之餘。吐瀉之後。及過服寒涼之藥。其

證眼慢騰騰。或露睛。手足瘳癢。面色青白。渾身四肢冷。默默不聲。其脉沉

遲。用白朮散。益黃散。防風冬瓜仁煎服。安神丸。冬瓜仁湯磨化。方並見後

南星飲。宣利過多。脾困脹。涎盛。四肢不舉。不思飲食。

大南星三箇炒赤令熟

冬瓜子仁 白糯米各一兩

永樂大典卷九百八十

五十一

右為末。每服一錢。生薑二片。防風少許煎湯調服。

防風丸。治慢驚不省。手足微動。眼上視昏睡。

天麻

防風

人參各一兩 全蝎去毒七箇

僵蠶炒斷絲

粉草各五錢

朱砂

雄黃各三錢半

麝香半錢

右煉蜜丸。小指頭大。人參湯化一丸。不以時候。冬瓜仁湯尤妙。

觀音散。治胃氣不和。脾困下瀉過多。不思飲食。乳食不化。精神昏悶。四肢困冷。

人參

白木滋養漿

糯米炒各二錢半

白茯苓

冬瓜子仁

酸棗仁去皮炒粉炒

甘草炙各半兩

藿香

枳殼去瓢各二錢半

紫蘇葉少許

木香不見火

石蓮肉去心 嫩黃耆各半兩

右為末。每服一錢。烏梅湯。冬瓜子仁陳米湯調皆可。

五苓散。止吐瀉。每服一錢。紫蘇梗陳米湯調下。方見大方科傷暑類。

小釣藤飲。治吐利。脾胃虛風慢驚。

釣藤三錢

蟬退十箇

人參二錢

麻黃二錢

防風 二錢

僵蠶

天麻

全蠍 去毒

甘草

川芎 各三錢

麝香 少許

右剉散。每服二錢。水一盞煎。寒加附子少許。乳食煎服。南附湯。治洩瀉虛脫生風。名慢驚風。及因服冷藥多者。

南星

生附子 二錢

全蠍 五箇 去毒

右剉散。每服二錢。水一盞。薑三片。煎五分。量大小旋服。

蘇合香丸。治風搐。必須理氣。蓋氣下則痰下。聞竅自通。方見諸氣川灸法。治急慢驚風。危極不可救者。

先當兩乳頭上。男左女右。灸三壯。次灸髮際。眉心。顛會三壯。手足大指當甲角。以物縛兩手作一處。以艾騎縫灸。男近左邊。女近右邊。半

甲半肉之間。灸三壯。先脚後手。亦可治陰陽諸癩病。艾炷如麥子大。衛生至寶神木散。治小兒因吐瀉。胃虛生風。作驚癩狀。

白朮 五錢。蜜炙至焦。須木炭火取出洗淨。切片焙。

天麻

白附子 各三錢半

蝎梢 三七箇

右為末。米飲調下。量大小服。

未當時大方羌活丸。治脾胃虛。肝氣熱。盛生風。或取轉過多。或病吐利後。

永樂大典卷九百八十

五十二

為慢驚。兼治傷寒初感。

羌活

川芎

人參

白附子

赤茯苓 各半兩 去皮

天麻

白僵蠶 炒去絲

乾蝎 去毒

白花蛇 各二錢半

大附子 炮去皮

防風 去叉

麻黃 去節

肉豆蔻 煨

雞舌香

藿香

沉香

南木香 各二錢 輕粉 一字

真珠末

牛黃 各二錢半 龍腦 半字

麝香 一錢半

雄黃

辰砂 各二錢半

右為細末。煉蜜旋丸如大豆大。每服一二丸。食前薄荷湯化下。

黃錠子。治小兒慢驚。

天麻

防風 去叉

人參 各一兩

乾蝎 全者去毒

白僵蠶 半兩 炒去絲

甘草 炒

朱砂

雄黃

麝香 各二錢半 牛黃 一錢

右為細末。煉蜜丸作錠子。量兒大小加減丸數。未過百時。只與小豆。

大一丸作一服。人參湯化下。

佛茹花散。治慢驚風神効。

金頭蜈蚣

蝎梢

佛茹花 蔓陀羅花是也

白附各等分

片腦少許

右研極細。三歲兒半字。三歲已上一字。薄荷水調。手按左鼻。搐右。按右搐左。立少頃。汗如雨。因睡勿驚。永不發。

蚯蚓丸。治慢驚風立効。

蚯蚓一條。活者。去泥盡。入膩粉少許。焙乾研細。糊丸如麻子大。每服

三丸。薄荷湯下。

硫黃散。治慢驚大効。

大附子一箇。炮去皮。

全蝎七箇。去毒。硫黃桑子大一塊。

右為細末。薑汁糊丸如菜豆大。每服一歲兒一丸。米飲湯下。

永樂大典卷之九百八十

永樂大典

卷一〇三六

重錄總校官侍郎 臣 高拱

學士 臣 翟景淳

分校官洗馬 臣 林 忠

書寫儒士 臣 孫 汝

圖點監生 臣 馬 承志

日 尼 上 朝 〵